

建置志三

湖北通志卷三十七

壇廟一 祠祀附

江夏縣

社稷壇宋時在閱馬廠陳詩湖北舊聞錄據朱子鄂州社稷壇記清康熙五十

九年知縣潘宗鼎重建於武勝門外江夏志雍正二年議準直省社

稷壇在府稱府社府稷在州縣則稱州縣大清會典則例是年頒定壇式

高二尺一寸縱橫各二丈五尺四出陛各三級繚以周垣四門丹

飾北向出入兵燹後咸豐八年改建望山門外光緒四年知縣宗

景藩重修采訪冊

先農壇雍正四年準奉天府尹直省督撫及新屬府州縣衛各於

治所地方設立先農壇及藉田會典壇在賓陽門外高二尺一寸廣

二丈五尺正房三配房各一置藉田四畝九分坐落東郊嘉慶通志咸

志二十七

建置三 壇廟

豐閒燬於兵同治四年知府鍾謙鈞修復采訪冊案檔冊藉田

菜豆二斗三升高粱五斗七升

神祇壇案舊為風雲雷雨山川壇嘉慶十六年改今名順治初定直省府州縣合建神祇

壇中設雲雨風雷之位左設本境山川之位右設本境城隍會典壇

在賓陽門外嘉慶志案縣志在後所營係誤兵燹後重建光緒四年知縣宗景

藩修采訪冊

常雩壇無常所多設於城隍龍神各廟

郡厲壇順治初定直省府州縣各立厲壇於城北郊祭本境無祀

鬼神府稱郡厲縣稱邑厲會典壇在武勝門外嘉慶志高一尺六寸闊

二丈五尺四出陛各三級壇下南九尺東西北各五丈繚以周垣

冊檔

關帝廟在城內長街左嘉慶志同治元年知府黃昌輔重建采訪冊又





別廟一在忠孝門內即水同治元年遊擊璞玉重建光緒十年修

一在卓刀泉光緒四年知縣宗景藩修采訪

文昌廟在學宮側嘉慶六年奏準各直省舊有文昌廟照關帝廟

致祭建後殿祀先代會典咸豐六年升中祀檔案後移建三道街別廟

一在火星原作德堂右嘉慶明楚藩屢修屢圯乾隆四十八年邑

人增建縣志

江神廟雍正三年敕封南濱涵和大江之神七年奉旨於平湖門

外動帑立廟會典同治閒賜額靈昭南紀五年重建於文昌門外皇

華館左光緒四年知縣宗景藩修采訪

江漢神祠在府城西漢陽門樓上宋淳熙閒通判劉靖以江漢在

境內宜為望祀乃為坎以祭之坎在靈竹寺西後知州沈樞改祠

於學明統

志二十七

建置三 壇廟

二

龍神廟在撫署東嘉慶乾隆十七年總督永常修據永常記增

為乾隆初建以永記攷之蓋建於雍正兵燹後同治六年復修采訪

靈濟龍王廟在八分山宋嘉定閒封寧濟侯宋敕文類年多旱常

神休告者踵相接也抑知百神之受職而不予吐也豈民俗矯福

而佞神亦遷就而為之與綜覈之世諒不其然爾神妥靈源泉百

年之祀欽馨佐德邦人宜之共衍新封永福千年持封寧濟侯

案明統志廣惠廟在府城南竹簾門外舊名順濟龍王廟宋淳熙

閒禱雨靈應賜額縣舊志引之而竹簾門作文昌門今各通志

及今志俱佚而文昌門外又無遺址可攷姑附於此以備攷嘉

慶二十五年加封宣潤敷化龍神道光十五年頒發澤敷江漢匾

額縣志別有行宮在城內校場西北為春秋致祭之所咸豐閒燬於

兵同治六年知府黃昌輔修復光緒四年重葺采訪

風雲雷雨合祠在龍神祠內正殿東同治六年重建咸豐六年官

兵勦賊風神助順總督官文具奏奉旨加封助順檔



雷祖殿舊在洞庭廟內咸豐間兵燬同治五年重建於天后宮右  
首光緒四年知縣宗景藩修采訪冊

府城隍廟舊在縣署東明洪武中徙黃鵠山南景泰三年重建清  
康熙三十二年知府尤汶重修縣志兵燹後同治十年知府徐暢達

倡捐修復光緒三十一年興修學堂移武當宮采訪冊

縣城隍廟舊在縣署西縣志燬於兵清同治八年知縣王庭楨改建

花隄縣志

旗纛廟在武都司署內嘉慶志

八蜡廟雍正三年諭各直省建會典廟在保護營縣志同治九年知府

聶光鑾重修采訪冊

劉猛將軍廟在八蜡廟側

天后廟在水府廟後水圯同治五年知府黃昌輔重建采訪冊

志二十七

建置三 壇廟

三

洞庭廟在皇華館右案縣志載此廟為明萬曆間知縣樊尙璟建

不言所在各通志祀洞庭湖神采訪冊康熙十八年敕封雍正二年

賜號涵元匯利洞庭湖神會典並祀漢神楊泗將軍額曰水府案縣志分

水府漢神楊泗為三廟蓋以水府當洞庭也考湘陰縣志云水府

廟或作祀洞庭君蓋俗相承如此今據采訪冊三神蓋共一龕而

廟額為水府云東嶽廟一在縣東將臺鋪右一在城東隅嘉慶志

玉皇閣舊在三佛閣街同治五年移建三道街縣志九年知府聶光

鑾修光緒二十三年興修學堂改建賓陽門內采訪冊

普應廟在縣東五里舊名三公廟自唐有之明統志宋德祐初賜額

普應三公者伍子胥范蠡伏波將軍也續文獻通考案輿地紀

以伏波為葛仙而郭祥正詩云三神鼎峙名謂何子胥范蠡馬

伏波綽蓋以葛仙亦拜伏波將軍也今從通考並引祥正詩清烈公祠在表忠祠東偏祀屈原清嘉慶十九年重修附祀楚



宋王唐勒景差漢賈誼王逸

據陳詩集增 陳詩修復武昌清烈

久廢祀嘉慶癸酉甲戌聞武昌府學教授熊君南溟奉其主於表忠祠之東偏配以楚大夫宋玉唐勒景差及漢長沙王太傅賈誼侍中王逸皆楚辭之英傑也爰以孟陬之庚寅招同志王雲夫張賓園葉平山及子相與燕飲以落之而人賦一章以紀其事嗚呼公不可見矣沈下賢稱其瘦細美髯丰神朗秀長九尺好奇服冠切雲之冠性潔一日三濯纓袁山松所謂歸鄉山秀水清故生雋異者與為楚懷王左徒掌昭屈景三公族漁父篇所云之三閭大夫也當風雅三變之餘維綱常萬鈞之重宋神宗時封為忠潔侯後又有加為清烈公載在祀典雖山陬海澨猶當崇而奉之而況湖北都會之區乎且其辭有曰乘鄂渚而反顧又曰過夏首而西浮則公之生也於歸州其仕也於江陵其終也於湘陰之汨羅而為修復用以舉廢缺而表忠貞其可已哉是役也予實左右之因為之敘其本末

屈陶祠在雙孝祠右祀楚屈原晉陶侃

縣志

三忠祠在城南明督學道高世泰建祀楚屈原漢賈誼唐杜甫

嘉慶

又三忠祠在武昌府署內合祀明公善延公志多公山咸豐中

建采訪冊

志二十七

建置二 壇廟

四

宋大憲廟

即既濟宮

在明月橋東祀漢宋母忌

嘉慶

母忌燕人為方仙

道史記封禪書

白澤圖云火之精曰宋母忌蓋其人火仙也

史記索隱廟舊

在縣東七里唐時州多火災占之云東南聖水坡宋母忌遺迹觀

察使牛僧孺立廟祀之

寰宇

本名宋大夫廟避楊行密父名怵嫌

名改作大憲

輿地紀勝

韋建除武昌軍節度使新之

稽神錄

宋紹興中知

州王信復立俗云火星堂

明統志

明弘治間城內火知府冒政禳之

立止因移建今址

武昌府志沈鍾有記

陸大憲廟在縣西南三里祀漢陸賈舊經載賈使南粵至江夏而

亡遂立廟賈非道死疑人自為立廟耳

案明統志云或因賈為楚產郡人為之立廟

本

曰陸大夫廟避楊行密父諱改

輿地紀勝

蔣王廟在縣東二里祀漢蔣子文

一統志

金陵蔣山神也

寰宇

武侯廟在上壇祀漢諸葛亮

縣志



張侯廟在縣西祀漢張飛一統志

江東廟在文昌門內祀吳大帝孫權嘉慶志

橫江廟即吳將魯肅也寰宇記輿地志云肅嘗為橫江將軍故廟以

為名郡縣志云廟在城西南輿地紀勝其在文昌門內者乃明洪武中

所建非故蹟也一統志

周公瑾祠在料鈔廠右武昌府志今址猶存縣志

孟孝感廟在縣東二里祀吳孝子孟宗一統志宋紹興間建明統志

遷武昌衛前一統志弘治初知府冒政改建白鶴山十一年御史王

恩以岳武穆王合祀額曰忠孝王鑿有記佚案小東門名曰忠孝以此今武穆別祀

雙孝祠在縣學內合祀漢黃香吳孟宗嘉慶志

丁王廟在金沙洲祀吳龍虎將軍丁奉縣志

志二十七

建置二 壇廟

五

陶太尉廟在縣西北一統志晉咸平中侃鎮武昌卒於樊口咸康中

立廟嘉慶志

萬勝鎮安王廟在縣南祀晉將軍焦明一統志明本晉列將致仕尋

醫至鸚鵡洲結茆而止唐建中四年李希烈反城下交戰神力衛

助得安觀察使李謙奏聞貞元四年封為城隍廟號萬勝鎮安寰宇

記考縣志府城隍廟注云祀晉車騎將軍焦明疑即指此

陶公祠在金口祀晉陶潛潛過塗口有詩乾隆中邑人段追文倡

建縣志

邵陵王廟在縣城西南祀梁邵陵王綸一統志綸舍宅為寺因立廟

寰宇記案即鐵佛寺統志原作在縣內今改

張王廟祀唐張巡一在青龍巷一在金口一統志

李太白祠在縣南三十里輿地紀勝



鍾南山祠

據熊學士集

楚之三年百廢俱舉如觀音閣文昌祠皆以次修建至

鍾南山祠則前此未有也公為子言疇昔之夜有神降庭  
請祠於子蓋即世所圖鍾馗者予許之復申囑再三成禮而退自  
今思之猶不以為夢也竊念冥冥中已有成言何忍負之此祠之  
所以作也噫異矣案昔人所傳唐明皇畫夢有鬼藍袍曰臣終南  
山進士鍾馗除天下虛耗之孽因命吳道子圖之賜二府夫天下  
之患孰大乎虛耗誠如馗言比諸捍禦災得秩祀典固非僭越  
不應至今日而請於公也豈當時以為恍惚不可知之事圖其形  
而未與於祭耶抑其世已遠其事已細當時亦常得祀而紀載未  
之及也噫異矣乃予竊有說以處此凡幽明相感不論久遠亦似  
有時節因緣焉以楚事言之此真南山君之時也方今化被無窮  
萬寶煥發開元之盛方斯後流毒三十餘年不得休息而旱蝗水  
火之災若為之助虐焉生民以來虛耗之禍未有甚於此時者也  
虛耗之甚者莫如楚南山君亦式靈於楚憂楚之虛耗之甚者莫  
如公南山君亦憑依於公天亦應自然之理又何疑焉雖然為  
國家耗府庫為諸臣耗心力為百姓耗膏血者賊也府庫耗而我  
乃倉箱心力耗而山林惟師武臣力以勦撫制之而有餘孽自內作勢  
在外生勢在山林惟師武臣力以勦撫制之而有餘孽自內作勢  
在城社非拔本塞源雖干戈取之而不足南山君之請祠也蓋將  
爰居爰處安意肆志以搜剔此孽俾無族類焉其不欲如世之摘  
發姦伏為職者懷危內顧延頸受伐以根株遺後人也亦明矣公  
何惜此半畝之宮不以成南山之美乎抑子尤有感者事至於夢

志二十七

建置三 壇廟

六

亦幻矣土木之興於今日亦難矣他人所為囊金積帛郵傳拜除  
者公盡斥之於馮馮登登以妥此千百年而上不可究詰之人蓋  
不以冥冥食言如此彼君臣之義朋友之信如日月江河昭然在  
耳目間者公其肯一日已於懷也耶子以是窺公之慷慨誠篤有  
以任夫遠且大者而書其事以徵於異日焉

蒲圻廟在南樓西

縣志

祀唐何萬春

案徐惺蒲圻廟記菩提大王神

水因家馬貞觀末兵燹頻仍疫癘為災神廣積陰功以救民壽九  
十餘逝有二載值王師對壘常現像空中把青旗往來撲救遂獲  
凱旋事聞敕封護國救民菩提大王建廟於會城譙樓之西又案  
一說神為靳尚以讒譴為蟒後受菩提戒一說神本伍伯每夕以  
牲血灌杖端及杖犯者多不死後為神說並不經特錄出辨之

周子祠在武勝門內祀宋周濂溪先生

嘉慶志

四賢祠在賓陽門內祀宋周子二程子朱子附明王文成公

府志

忠烈廟在旌忠坊

嘉慶志作在

宋乾道六年州民請於朝岳飛保

護上游有功於國請立廟詔賜今額

輿地紀勝

嘉定中追封鄂王

明統志

明正德十年布政使周季鳳即舊將臺驛址改建

府志

萬曆八年設



立奉祀生嘉慶志燬於兵清康熙三十二年王裔孫宏譽倡捐重建

縣志 岳宏譽記宋紹興中王之第三子繼忠侯霖自九江徙居宜興之唐門後子孫遂家焉余小子宏譽為王之二十世孫也明崇禎間譽之伯父副使公虞繼會守武林國朝順治年譽之仲父銓部公鍾叔起家仁和令皆得以王孫而主王祭湖濱鷺嶺徘徊俎豆拂拭松楸似有宿緣不可強也宏譽今者承乏視楚學使楚固王之舊封地王勳烈徧天壤而功德尤著於楚削平襄漢制置荆湖黃梅以東洞庭以南靡不顯威名而被膏澤前後食邑亦皆在楚迨金陀論定纈冤請卹敕建王廟於鄂世奉烝嘗載在祀典乃益信王之精誠感召靈爽式憑實與楚相終始云廟始於宋乾道六年本在忠孝門內孝子孟宗祠名門忠孝以此明正德十四年方伯周公季鳳改建大東門外先時將臺驛址殿廡門樓寬廣高聳前抵通衢屏牆大書精忠報國四字後距高墩左抵雷祖殿右抵洗馬池大學士楊廷和記萬曆八年楚撫李公禎檄黃梅後裔承祖來省奉祀又於賓陽門內置祠並祭田若干畝給承祖衣巾復春秋祭典額設祭價香火銀兩在江邑正供支辦全書郡志班班可考自兵燹之後祠廟日圯基地混入民間至國朝康熙十一年王孫凌霄上控大中丞飭守令核查祠廟基地田畝漸次清復碑記煌煌以迄於今則徐公張公石公諸撫軍力也顧廟址雖存而棖榭未煥僧人無我僅樹一椽以蔽神像宏譽至楚瞻拜之下不禁悽愴會凌霄備列祠廟與廢原委呈閱為憮然久之因思王之神威所過策馬所經自大梁而南至於吳楚莫不巍我廟貌豐潔享祀以展崇德報功之意而王實開國於鄂緬溯前徽

志二十七

建置三 壇廟

七

以惶以悚若不思所以新之不特貽悞我先王且有忝於伯父仲父之得致敬於西泠也於是請於制府吳公撫軍年公暨方伯父觀察文武諸公咸稱善舉捐金各有差宏譽亦竭力解俸以襄不逮諷吉於丙子孟夏興工擇耆老忠實者楊啓明等經理一載以來雖未敢云適觀厥成門殿堂廡寢樓垣牖亦大畧粗備矣計木石等項工值若干各捐資費若干例得備書於碑陰謹記乾隆四十二年設奉祀生二名岳秀揚秀常嘉慶志四十七年布政司倡捐

重修五十二年秀揚退老嫡孫佐庭補六十年佐庭故弟佐宸補

縣志 咸豐兵燬光緒初重修采訪一在賓陽門內青草坡嘉慶志明萬

曆中巡撫李楨建府志兵燹後為庵易王像於殿嘉慶志康熙十二年知

縣馬中駿題額改正王像於殿嘉慶志十七年都御史張朝珍重

修二十二年都御史王新命復修乾隆三十四年奉旨修理縣志咸

豐閒兵燬采訪

忠義祠在城北一統志宋建炎閒金騎渡江武昌郡守李宜嬰城固

守被殺建祠祀焉賜額忠義續通考



張忠文祠在靈泉山祀宋張叔夜

據宋敕增祠坊朕聞微欽盡節

之臣如侍郎李若水宰相何桌曠世不數觀也故樞密院張叔夜勤王終於白溝河妻蔡氏媳王氏俱投井長子伯奮次子仲熊抗志不屈痛哭自刎三子皆凍死於太白山下一門之內臣死君難子死父難妻死夫難朕甚憫焉查得凍子張芸史逃往江夏著本地方官修祠立坊以旌忠節子孫世補太學生員一人奉祀生一人三年授太守永垂祀典焉案敕措詞失次不類宋人文體當由假託不可不辨

晏公廟在南門外公諱成仔宋末清江鎮人入元為文錦局堂長

溺死鄱陽湖屢著靈異嘉慶志明初封平浪侯續通考

表忠祠在府治東萬曆二年巡撫都御史趙賢建祀忠臣姚善廖

昇周拱辰樊士信明統志今祠移御菜園縣志

四賢祠在縣學內祀明郭正域吳裕中熊廷弼賀逢聖康熙六十

年知縣潘案鼎建嘉慶志

賀公祠在府學前祀明賀陽亨先生以文忠附焉嘉慶志康熙六十

志二十七

建置三 壇廟

八

一年邑紳公請詳復祀典縣志光緒三年重建采訪冊

馮大夫祠在縣西明萬曆開稅璫陳奉苛虐士民巡道馮應京縛

璫使投之江為璫所奏被逮民立祠祀之武昌府志

史公祠在夏口驛祀明御史史學遷采訪冊郭正域史公按楚

飭百度惠四民除強虺興廢墜楚吏士奉若神明明年大浸城盡圯保安望山平湖漢陽武勝四門俱塞士武勝一門艦舟其下金沙洲幾十萬戶水沒屋門以外舟行於市城內半為波濤史公曰滔滔者如吾民何水至以城為隄水去緣城築隄害在水功在隄吾所屬贖銀無所用之今歲築明年壞何利之有一勞永逸是在良二千石武昌守留心民瘼民溺已溺羣黎百姓徧為爾德其相與底績以所屬能吏與居民相之沿江諸門何始何止有岸者何狀無岸者何所高幾丈闕幾尺用木石幾何金錢幾何何以無壞宜用何人其物斂諸田畝勿勞小民毋用匪人無滋糜費往子以火災踰洲渡橋與梁病涉其悉以對於是太守張公奏記江自下壇抵望山門有岸者培而廣之無岸者起而築之計費四千九百緡有奇取之府庫中子粒銀僅四百八十有奇夫欲修沙洲先殺水勢宜於白沙洲濬渠一道新淤高阜濬之使卑使斬水西然後議岸夫用石則無算用木用竹則有稽嘉魚有洲課銀江夏有學租銀應城安陸有子粒銀興國大治有儒宮齋夫銀共約九百金有奇敢以請史公曰以上諸錢俱以供諸隄仍捐子贖錢五千金



太守發之躬督之務為千百世計於是太守張公躬行江上無晝  
夜寒暑率諸吏士勿怠勿廢躬諸畚鍤勿陳勿疲課諸工役勿苦  
勿亟於是自王惠橋至紅廟無岸凡幾千幾百丈高廣如之凡用青紅  
石十萬有奇松椿一萬二千一百有奇松月二千一百有奇俱鋼  
鐵鈐之鐵凡千百斤有奇又鎖鐵牛四鎮之夫宇內四瀆吾楚有  
其二而合流於武昌排蕩之勢爭雄於芳洲兩岸相翼而吾郡獨  
受不可磯之怒誰能建非常之功公之上世史起一鄰令耳一引  
漳水民歌之日終古瀉鹵生稻梁孫叔敖以勺陂與楚吾里中故  
事唐河南尹李適之以禁錢築上陽積翠月陂三大防水不為患  
至於天子刊石著功使永王書碑皇太子書額史公之功在萬世  
宜郡民之俎豆與社稷並也史公學遷號武麟山西翼城人張公  
請為祠宇三闕於江夏口驛右而使正域記之因系之歌曰江之  
永兮湯湯漢之廣兮洋洋枕此江兮城隍障此江兮隄防公何來  
兮汾陽被繡衣兮神羊塾我民兮棟樑長我邦兮稻梁孰左之兮  
武昌與朝夕兮皇  
皇千萬世兮烝嘗

熊襄愍公祠在修賢里縣志咸豐五年燬於兵光緒二年知府方大

湜捐廉重建以八世孫熊家主奉祀檔冊方大湜記予少讀明

傑不世出之才跋前疐後能不得展且邁奇禍此固天之眷佑聖  
朝使前明自壞長城而能臣竭忠為儉人傾陷橫罹冤酷後之人

志二十七

建置三 壇廟

九

要不能不為之裂眦憤惋太息也迨同治辛未歲來守武昌郡得  
公遺集伏讀卷首恭錄純皇帝御製論及論湖北疆吏訪其後裔  
子之以官乃知我聖朝獎勸忠貞不遺前代天覆地載之量真有  
超越千古萬萬者輒不禁為泉壤孤臣感泣下於是進父老詢  
公祠宇僉曰嘻祠在京口舊號修賢里前太守章公有碑記其事  
咸豐乙卯燬於兵矣問子孫近狀則曰式微甚庠序今無一人列  
者惟八世孫家圭家屋昆季業儒方應童子試家乏儋石儲資筆  
耕自給予聞惻然承乏茲土坐視郡先正門祚衰微懼無以稱朝  
廷褒忠之意屆郡試令二人者偕來覆校其昆適歸未及赴以其  
季冠多士是年學使者即取列弟子員願念其祠久傾圮弗之葺  
靈無自安仍非所以宣德意下慰輿情夙夜籌度資既克備遴  
公縣人侯選訓導鳳池董其役訊日鳩工閱三月竣事祀於祠眾  
廩生易嵩秀任鳳池董其役訊日鳩工閱三月竣事祀於祠眾  
感以悅夫公之隄於當時或且謂其以剛賈禍弗克如杜元凱交  
躡中朝權貴就功名顧其時若高陽孫文正宜興盧忠烈非好剛  
如秋風之隄籜不盡不止而公適丁其運無德摧殘其救敗之材  
屑為卽合屈節為之能保其幸免也乎嗚呼豈非其命也夫然以  
忠獲禍易代後卒蒙天語褒嘉澤被苗裔卽歲久就湮守斯土者  
不敢不仰承曠典新其廟貌而卹其子孫則公之不可磨滅者雖  
蔽於暫未嘗不終耀於無窮也斯祠者宣統初邑人以黃龍寺  
其亦可憫然於忠臣烈士無不可為也

故址改建公祠采訪



徐忠節祠在長街敕祀左都督贈太子太傅徐勇

嘉慶志

順治間死

辰州之亂也

縣志

葉忠節祠在糧道街祀督糧道贈工部右侍郎葉映榴

嘉慶志

忠節祠詩維昨戊辰歲仲夏二十五鄂城書閉門罷士敢譁伍蛾  
撲行自焚肉食竟何補是時楚邁屯列署少官府當路三四輩闖  
茸固無數或縛如孤豚或竄若腐鼠葉公仗大義凜凜坐靡宇其  
徒素懾服羅拜請軍主叱聲出霹靂恨不口戮汝賊黨各驚散恍  
目更慄股齧指草遺疏言臣有老母聖恩重若山臣死無處所遂  
解所佩刀沾灑血如縷風昔氣成虹經旬尸不盡天戈歛四集潰  
爛魚遊金曾未兩市月次第膏鑽斧事定下所司功罪得快親天  
子憫其忠諡葬兼祀俎綽楔表嶙峋錫廕叨圭組我來拜新祠聞  
歲月在午遺像儼鬚眉陰雲塞廊廡憶昔行馬前謬蒙國士許雪  
涕涇階砌采芹薦籃篋頗聞居人言黑夜森儀羽正氣耿千秋精  
靈福三楚何處弔古原山川痛修阻案葉祠

宣公祠在長街祀都司贈榮祿大夫宣德仁

嘉慶志

張三異輓

皓齒都閩將軍英烈子坐鎮鄂城清如水四郊不見妖氛起軍容  
正資刁斗習豈意小醜如蠅集拔劍猖狂逐隊行九門大開兵不  
戢黑雲壓城欲摧忠臣見逼旌旄頽大聲疾呼百不應揮戈無  
復定蠻才勢促如緣木躑躅空門腹一木實難支枉效秦庭哭壯  
氣彌天作陣雲忠  
肝視死如歸宿

志二十七

建置三壇廟

十

額公祠在賓陽門祀總督忠勇公額稜特

嘉慶志

楊公祠在賓陽鋪

案縣志作高冠山下

祀總督贈太子少保楊清端公宗仁

嘉慶志

三公祠在江漢書院堂左祀總督宗室簡親王德沛巡撫崔紀陳

訖

嘉慶志

賢良祠在三佛閣

縣志

祀總督楊清端公宗仁至巡撫胡文忠公林

翼

采訪冊

吳文節公祠在硃石山光緒九年建二十九年移建崇福山正街

衛城隍廟故址

采訪冊

官文恭胡文忠合祠在黃鶴樓後祀大學士湖廣總督官文巡撫

胡林翼舊爲文忠專祠同治二年敕建

檔冊

官文記皇帝嗣服之初我楚師征皖告捷而



湖北巡撫益陽胡公遠薨於位上聞震悼諭賜祭葬予諡文忠入祀賢良祠暨湖北本籍立專祠以祀之明詔既下吏民俱欣城西北隅黃鶴磯舊有黃鶴樓今燬樓後址尤宏敞而臨大江橫視千里水萃帆楫陸豐稼苗江兩岸塵屋隆夸貨貝充帑邦之人相與言曰凡今日所安樂而居之者皆公與予所戮力而得之者也夫子何敢望公而公之嘉惠士民者自不可沒今奉天子命祠公於斯公其式憑於斯永鎮於斯乎祠既成思所以紀公績示民不忘而屬記於予予謂是地也詎徒彰公之休其將以下我國家中興之盛乎夫是固江漢合流之地也嘗考周室中興實在宣王之世而其義莫備於江漢一詩其詩曰江漢浮浮武夫滔滔江漢湯湯武夫洗洗解者曰浮浮眾強貌滔滔循流而下貌洗洗武貌蓋江漢為水有朝宗之義宇宙眾水與江漢合流益見其盛大而王師之盛始如之遂以順流東下而成鋪截之功今我王師丕揚威烈實肇始江漢之區方予之奉命兼督兩湖而公來開府鄂中也予戰里曠然一清當是時楚師之盛則所謂浮浮湯湯者也其順流東下則所謂滔滔洗洗者也天之示人也恆以其地通天苞而於河吐地符而於洛申天討彰國威而於江漢天意若曰吾縱賊使東俾稔惡十年所以厚其毒而降之罰而當賊破方張特聚眾賢文武同心戮力鏖戰於江漢之閒以奪彼負隅而成吾勝勢則所以默喻諸臣與召虎匹休以胡我皇上中興之運者也今自皖以淮穎之閒我楚師方厲兵相向矣此淮夷之地也詩不有云乎匪安匪舒淮夷來鋪由是而掃穴金陵德流吳會則南海之地也詩不有云乎于疆于理至於南海東征既蕝移杓轉旆秦蜀克豫以

志二十七

建置三 壇廟

二

次職渠則四方之績也詩不有云乎經營四方告成於王夫如是膚功丕奏恩宣威闡悃華震夷斯億萬年之休也詩不有云乎虎拜稽首天子萬年凡詩有云皆公之志也事具載碑陰協揆曾公疏因卽是而為之記 同治十年奏準合建

文忠別有祠在曾公祠西光緒三年兵部侍郎彭玉麟奏建 采訪

羅忠節李忠武李勇毅江忠烈合祠在曾公祠內祀浙江寧紹台

道羅澤南浙江布政使李續賓安徽巡撫李續宜同治十二年知

府方大湜建光緒三年兵部侍郎彭玉麟奏請增祀安徽巡撫江

忠源 采訪

曾文正專祠在高觀山祀大學士一等毅勇侯兩江總督曾國藩

同治十一年總督李瀚章奏建光緒時曾忠襄公國荃附祀 采訪

多忠壯專祠在江西會館東祀知府多山光緒元年總督李瀚章

奏建 采訪

王武愨專祠在花隄縣城隍廟左祀贈知府銜湖北揀發知縣王



恩綬以公長子贈主簿銜未入流王燮附同治八年邑紳公請捐  
建巡撫郭伯蔭奏準公次子庭楨捐置祭產縣志

陶文節馮文介專祠在浙江會館側祀湖北巡撫陶恩培學政馮

培元光緒三年總督李瀚章奏建采訪冊

合建表忠專祠在後府街祀湖廣總督吳文節公文鎔湖北巡撫

陶文節公恩培浙江寧紹台道羅忠烈公澤南安徽布政使劉勤

壯公裕鈔江蘇候補道溫壯勇公紹原縣志湖北按察使贈太常寺

卿端節公瑞元黃州知府贈太僕寺卿金果毅公雲門鄖陽總兵

王壯節公錦繡貴州忠義總兵王剛介公國才河南河北總兵剛

節公常祿武昌知府護按察使忠壯公多山湖北糧道徐勇烈公

豐玉湖北漢黃道張勇節公汝瀛荆門州知州李剛介公棟湖北

糧道李愍肅公卿毅安徽巡撫李武愍公孟羣揀發知縣王武愍

志二十七

建置三 壇廟

十三

公恩綬湖北按察使唐威恪公樹義漢陽知府董振鐸俞舜卿江

夏知縣繡麟漢陽遊擊李信同治九年總督李瀚章奏建冊

楚招祠在臬署後放鶴亭故址祀按察使端節公瑞元武昌知府

明善江夏知縣繡麟竹山知縣楊明善江陵知縣俞昌烈咸豐三

年署按察使唐樹義建采訪冊唐樹義記云咸豐二年冬十二

者得五君焉按察使瑞公道銜武昌府知府明君江夏縣知縣繡  
君竹山縣知縣楊君江陵縣知縣俞君皆樹義之友與寮吏也所  
謂五君者次年春樹義聞其事悲咤成疾者累月已而承詔赴楚  
佐撫輯旋奉命權臬事乃卜署後獨雩峯側故放鶴亭址創祠合  
祀之顏曰楚招瑞公昔官此四君者授命處率不遠靈爽式憑庶  
幾在茲言者曰朝廷喪死事諸臣五君與俎豆之榮矣又奚取專  
祠者為曰友與寮吏故也志吾慟昭吾敬云爾不鄰於私且隘與  
誠然顧擇之加審矣今夫鄂不當陷而卒至陷者孰職其咎哉聞  
瑞公力爭不得退而感憤知事不可為以死自厲明君繡君自揣  
城必陷誓與存亡而繡君揮戈尤壯楊與俞既鑄秩矣義無苟免  
皆相與陷胸斷脰破宗湛族不返願且等之死爾世或以鴻毛輕  
之惟五君奮身赴難較然不欺其志又皆出自樹義夙昔斷金之  
侶嗟呼豈易得哉祠之設祀止五君誠無解於私且隘然推獎忠  
烈表式百代不敢不審豈得但崇所親厚而已非是將重貽五君



Vertical red text at the bottom right corner, likely a library or collection stamp.



差刻石陷諸壁復備書五君姓字及殉節狀綴諸末瑞君名元字容堂滿洲鑲黃旗人城陷戒家人無辱視其死畢呼幼子前手刃之乃自經死明君名善字韞田滿洲鑲藍旗人城陷亦自經死君名麟字振之滿洲鑲黃旗舉人故有武力城陷揮雙刀殺賊十餘人賊大至格鬪死楊君名明善字理元江南上元人道光丙戌進士俞君名昌烈字鴻甫順天大興人皆率練勇登陴賊至中牙死祠凡三楹中祀瑞公其公子及幕友潘君傳鏜與義僕附焉東祀明君而繡君俞君楊君附焉西祀瑞公庶母其側室及女公子與僕婦附焉後之官此者尚繼葺之以無忘忠貞

四忠祠在按察使署內祀按察使端節公瑞元唐威恪公樹義李

愍肅公鄭毅忠壯公多山光緒九年按察使黃彭年建

采訪冊黃彭年記

云四忠者長白端節公瑞元遵義唐威恪公樹義光州李愍肅公鄭毅長白忠壯公多山皆前官湖北按察使何以祠忠也殉忠者眾矣祠何以四官也愍肅之子武愍公江忠烈公嘗為是官矣何勿祀二公死安徽巡撫各有死所各有祠也往者威恪居是官時建楚招祠於黃鶴山半祀端節公附以武昌知府明善江夏知縣繡麟竹山知縣楊明善江陵知縣俞昌烈皆威恪之友咸豐二年武昌初陷殉忠者也越三十四年彭年奉命承乏則楚招祠已頽有端節祠廣不盈丈端節家屬之主咸在不可以羸乃別營於山麓為堂三楹繚以垣其東為館以待主祭助祭者而學律之僚屬寓焉楚招之祠祠友也吾今之祠以官故名曰四忠而按察使之

志二十七

建置三 壇廟

三

屬經歷司獄與夫幕友胥役殉忠者咸附創始於光緒九年冬月旬有六日越七十日落成為文以記之曰昔威恪稱端節感憤謂武昌不當陷而陷端節力爭不得知事不可為而以死自厲其詞若有憾焉孰知夫率師以出而忌者故勒其餉潛奪其軍擠之死地與吳文節公同以身殉哉孰知夫代其職者為愍肅亦因建策不用上官棄城而逃又以身殉哉孰知夫代其職者為愍肅亦因建策謂烈矣而總師干者逍遙於黃梅廣濟卒使援絕而亡於是武昌再陷三陷焉天若愛武昌之民而生四忠者以維持於其際又胡為生扼四忠者使不得行其志而因以屠戮吾武昌之民吾觀胡文忠公巡撫是邦而智者竭其謀勇者盡其力武昌於以底定粵匪於以蕩平遂成中興之盛業是天心終仁愛吾民必篤生賢良以綏佑之而惜乎四忠之不及見也吾哀四忠之遇而壯其節著其事之大者俾後之居是官者有所興起焉

昭忠祠在賢良祠右嘉慶八年敕建

嘉慶志

後燬於兵今建糧道街

武昌左衛署舊址

縣志

正祀南北朝梁口口口唐余文俊五代吳仲

舉宋吳源向廷芳明黃卷清初楊之易等左右附祀各府屬紳宦

軍功勇丁及各府屬殉難者前祀湖廣總督吳文節公文鎔陝西

西安將軍文介公扎拉芬贈總督湖北巡撫調山東巡撫常文節



公大淳贈太子少保記名提督蕭忠壯公河清贈都統署湖北提督武烈公雙福贈太子少保銜都統銜鑲紅旗護軍統領貞恪公舒保等左右附祀各府屬紳宦軍功勇丁左廂祀贈提督河南河北鎮總兵余威毅公際昌采訪冊同治二年知府如山改建冊楚軍昭忠祠在曾公祠側采訪冊湖南會館左光緒四年建冊淮軍昭忠祠在保安門內墩子湖旁正祀太子少保廣西右江總兵張忠烈公樹珊唐忠壯公殿魁記名提督吳宗國雷仁美鄭海鼇記名總兵謝連陞副將郭芳鈐左祀湖北督糧道徐勇烈公豐玉黃州知府金果毅公雲門荆門知州李剛介公樞漢陽知府俞舜卿武昌知縣何開泰直隸州胡文煊同知朱開泰右祀副將龔興祖等凡四十六人左祀副將柏雲章等又右祀副將余春華等凡六十八人其左右廂祀黑龍江甲兵及勳字營銘樹各軍勇丁

志二十七

建置三 壇廟

古

采訪冊同治十一年總督李鴻章奏建光緒六年總督李瀚章會同巡撫彭祖賢奏準以提督魏興發入祀冊祠西卽全皖會館之東

同治七年建冊采訪冊

霆軍昭忠祠在老育嬰堂街舊在高觀山下四川會館側祀雲南鶴麗鎮總兵宋國永附祀參遊以下凡二千五百七人軍功勇丁凡三千一百七十六人同治五年浙江提督鮑超奏建祠基爲嚴鷺昌捐置光緒四年建後以其地擴爲營盤以廢善後局予四川會館祠遂移建今所冊采訪冊

節義祠有三一在縣學儀門右祀江夏縣教諭魯唯訓導阮熙仁及本學文武生員凡四十九人一在上鸚鵡里祀八分山殉節團勇男婦凡一千數百人咸豐十年官紳捐建縣志一在仁壽二鋪祀

殉節婦女冊檔



張烈女祠在勝緣僧舍內據鄂州小集增今失其處

馬烈女祠在文昌門外縣志

### 武昌縣

社稷壇在城西明洪武初知縣謝敘賓建隆慶六年知縣李有朋

修武昌縣志

先農壇在城東縣志藉田每歲額徵穀四石大麥一石小麥一石

神祇壇在城南縣志

厲壇在城北縣志

關帝廟在飯羅山嘉慶志按縣冊載武聖宮在佛螺山疑即指此

致祭之所雍正十年知縣張慄增建縣志咸豐初賊燬今春秋祭在

南門外關聖祠祠經光緒三年邑人捐修又西山有殿曰武聖同

治四年總督官文倡捐重修一在縣南百三十里符三里明建縣志

### 志二十七

建置三 壇廟

### 五

文昌宮在西門外康熙五十六年知縣曾昕倡捐修建並置祭產

道光時邑人紀玉峯兄弟捐修後殿咸豐二年賊燬同治九年邑

紳王錫孚勸捐重建縣志

城隍廟在大西門內明洪武三年知縣孟吉建清順治六年知縣

鹿兆圖重修嘉慶間重建咸豐二年賊燬光緒三年知縣劉篤慶

倡捐修復四年知縣凌心垣增葺別廟在縣東四十里同治十年

重修一在縣北九十里江濱縣志

龍神祠在城隍廟內光緒六年知縣蔡炳榮倡建縣志

龍巢廟在永福鄉嘉慶志案一統志云在縣西七十里元馮

溪淵武昌作城間有兩殿名龍巢不知何年作豈其有巢氏之荒

祠或上古為營巢時之故墟老宿相傳名以存古與然吾聞龍之

為物變化莫測大則塞世界細則入微塵胡僧又有呪而降伏瓶

鉢中龍亦甘心焉若爾則奮而飛巢而殿奚不可始予自淮甸負

來此郊每遇旱鄉父老率禱此輒應輒滂沛周浹異他處至元

己丑歲塑神像明年庚寅廣祠宇閱歲滋久漸就頽圯吾聞人為



物之靈神依人而靈靈兮孰有靈於心者予又發輦材植運瓦甃仍資眾力葺新之益務堅樸以心感心時陽時雨龍巢不在珠宮具闕而在靈臺丹府矣鄉父老曰然曷誌之

馬步廟在縣南梁子湖上一統志周禮校人冬祭馬步注云馬步神之為災害馬者舊以仲月祭於大澤用剛日今縣人率以五月五日競渡祭享於廟蓋吳之故俗云

明統志案明洪武元年合天諸神廟為四壇春秋致祭五年合為一壇清康熙十七年裁

東嶽泰山廟在治西北創自宋明景泰間邑人重建清乾隆六十年知縣裘行恕重建咸豐二年賊燬今修復縣志

火神廟在東嶽廟右賊燬

儼神祠在治東明成化間建清道光二十九年重修咸豐二年賊燬同治五年修復縣志林芳有重修儼神記王家璧有後記

三閭大夫祠在縣東北一統志

吳大帝廟在安樂宮故址輿地紀勝宋時重建於宮北墉縣志

大姥廟在武昌縣樊山口一統志武昌記曰孫權嘗獵於山下依夕見一姥問權獵何所得一豹姥曰何不豎豹尾忽然不見應邵漢官序曰豹尾過後執金吾罷屯解圍天子鹵簿中後屬車施豹尾於道路豹尾之內為省中蓋權事應在此故立廟也水經注

陶太尉廟武昌記在龍蟠石側輿地紀勝案各通志俱據此而在龍蟠石者無考

三賢祠一在城西祀晉陶侃陶潛唐元結嘉慶志宋寶慶間知縣段震午建清康熙十二年知縣熊登重建旋廢縣志一在西山寺後祀

晉陶侃唐元結宋蘇軾嘉慶志明隆慶間改建城北澄清樓左據李

李有朋重修三賢祠記畧武昌山水佳麗孫氏嘗都之以鼎角寰宇故多先賢名蹟若晉太尉陶侃唐侍郎元公結宋學士蘇公軾芳躅相望後人因並祀之顧歲久祠葺寄主於西竺破龕間慢神瀆禮於斯甚矣余獲蒞茲土申古訪賢乃率江潯拂漫老退

志二十七

建置三 壇廟

夫



谷之石湖寒溪探陶公讀書之臺躋九曲之墟以葺懷坡之亭而昔人風韻若與目接每以荒落為歎會守道文剛鄭公戎道懷萃盧公兵道金谿哉公臨縣相度城址陟西竺省通邑形勢偶覩破龜寄主詢知其故愀然曰表章先賢良有司事也余心領之以公事旁午未果行越乙亥奉委建城將竣事乃以三賢祠為請兵道泰峯楊公太府葵軒李公僉允遂卜地於城北澄清樓之左建之築土為臺螿石為基創屋三間經始於七月告成於九月

忠節祠在縣西祀唐真源令張巡宋紹定四年知縣趙崇濤建明

洪武初知縣戚元禮重建天順閒知縣鍾振修久廢縣志

蘇文忠公祠在寒溪寺東祀蘇軾嘉慶志宋知縣段震午建久廢縣志

黃文獻公祠在西山後祀宋黃幹嘉慶志宋知縣朱堯建久廢縣志

趙忠顯公祠在縣西公名令歲宋建炎初通判鄂州守黃四年寇

至不屈死宣撫張復請額賜忠顯嘉慶志慶元閒知縣胡朝穎捐置

祭田元末兵燬明建為浴佛庵亦廢縣志

岳鄂王廟在小南門內縣志咸豐元年重建光緒八年修縣志一在大

志二十七

建置二 壇廟

七

南門內光緒七年重修縣志

陳文忠公祠在儒學東祀元陳天祥延祐五年建嘉慶志久廢縣志

韓公祠在城隍廟左祀明知縣韓相縣志清道光二十七年重建咸

豐二年寇燬縣志

汪公祠在鳳臺書院祀明知縣汪璽弘治庚戌旱璽禱之累日斃

於齋舍嘉靖閒知縣謙謙從民請為立祠嘉慶志明應櫃記云

官之旁其外為方垣內為祠五楹前為大門肇工於嘉靖癸卯日祠者何祀知縣汪侯之神也曷祀之侯為民多嗷嗷憂己之將斃也侯來時值其變修政振滯而遍禱諸神不乘馬不張蓋如是者累日而天復不雨一夕斃於齋舍蓋其精神誠氣力竭矣民往哭之如喪考妣乃附於名宦之祠至是民復請曰後來者得有能憂民如侯者乎侯為民而忘其身吾儕何愛一地而不以祀侯邑令謙曰吾之責也此祠之所由始也故名其祠曰遺愛祠之後有山日鳳凰山扁其門曰鳳臺書院云櫃曰以死勤事則於禮得祀於禮得祀於法得書不為濫故遂撫其顛末為文俾立石焉侯名璽字廷信徽之婺源人今戶部侍郎東峯公之父也巡撫汪鉉錫序先公少卿弘治初知武昌歲旱禱雨於郊得疾而卒公又嘗改



造學宮人才聿盛邑人祀之名宦祠族子曰鍾寓武昌得洋瀾湖  
際地謀建專祠邑令謙君善力相贊助踰月而祠成扁曰遺愛武  
瓚訓導李君岐與生員陳善授過豫章子詢之繼芳曰此地即  
昌同學友陳繼芳以荆府教授過豫章子詢之繼芳曰此地即  
孫氏都武昌時故城址也後有鳳臺不肖竊謂以古之勝地而  
先祠偶據其巔復顏曰鳳臺書院值猶子汝生從鍾受廬習學  
乃遺書督學應君充弟子員供灑掃之役南巡抵康汝生至夜  
與相談更憶髫年從陳先生日壘者受業先生之居與學伊邇不  
肖亦嘗遊焉至今五十餘年矣風景之思猶能彷彿繼芳即先生  
之孫而善守官箴此念孳孳為恤民一死豈知緣早魅專祠今復薦  
公為宰守官箴無遺愛湖上巖宮有近鄰吾子莫將流寓看時時  
芳藟江東霸業無遺愛湖上巖宮有近鄰吾子莫將流寓看時時  
灑掃見咸豐二年寇燬縣志

懷忠祠在小北門外咸豐年燬縣志

懷忠祠在寒溪寺右同治八年邑紳王家璧倡建縣志王家璧  
忠有祠國典也以死勤事則祀之祀之以勸忠勸忠不已則有專  
祠懷忠有祠國典也以死勤事則祀之祀之以勸忠勸忠不已則有專  
則有合祠國典與重矣隆矣而民則發於不容已而動於不自知  
二者常相輔也咸豐初元賊起粵西蔓延而楚而吳而豫章而宋  
其功足銘鼎鍾而名足震寰宇者有之而精忠大節足以維名教

志二十七

建置二壇廟

六

而繫人心者亦眾焉賊之始陷楚也惟向忠武一軍能追之東下  
顧限於陸戰而長江之險舳舻連數千里皆賊有吾不能與  
之爭也故賊艦蔽江下欽差大臣江督立夫陸公方督新募舟師  
溯江上至楚境以不習水戰不能禦壽春鎮總兵恩長死之舟師  
濱陸公乃還與將軍祥厚副都統霍隆武署布政使涂文鈞誓死  
守江寧城陷皆死之向家軍亦不及救焉由是賊分股回竄楚督  
吳文節公能守武昌而唐子方廉使所領多漁艇且怯不足為聲援也後  
水師尚末東而唐子方廉使所領多漁艇且怯不足為聲援也後  
文節守武昌者青墨卿中丞糧盡援絕猶將士誓死守及以城  
陷伏法楚人猶憐之惟少司馬湘鄉曾公忠孝知人延攬將才為  
己任先後舉塔忠武羅忠胡詠芝宮保李迪庵中丞兄弟王璞  
山觀察蔣香泉廉使周都督鳳山督陸師舉楊厚庵提軍彭雪琴  
方伯李鶴人中丞督水師陸並進所至克捷楚師遂雄南服而  
塔武忠湘潭之捷尤我官軍轉弱為強之樞機也非水師不足制  
賊命其議首發於江忠烈而毅然為之遂以破賊有成功則少司  
馬為宗功焉甲寅秋八月少司馬統水陸師二萬大舉西下克復  
武昌會城塔忠武李鶴人功最著楊彭羅李皆在行間幕中賓友  
及偏裨以下將校廝徒多後日之專闡立功知兵事者也會城既  
克少司馬親督水師羣帥出中路東南下楊慰農制軍帥師會城黃  
出北路以南親督水師羣帥出中路東南下楊慰農制軍帥師會城黃  
寡婦橋之捷羅忠節李迫庵自金牛鎮過興國出富池口與塔軍  
會水師亦至有田家鎮半壁山之捷賊死無算先後焚賊亦  
幾盡遂大會於九江且分兵攻湖口胡宮保時為湖北按察使亦  
攻下通山等縣而會攻九江水陸環攻出奇制勝智力俱盡賊死



守不下而水師之入彭蠡者不能出湖口九江水師營火起驚潰  
少司馬登南岸入塔軍後數日江北廣濟軍亦潰而江漢復嚴  
矣滌九江賊得舟復上漢胡宮保亦率千餘人自湖口回援王錦  
軍不潰者尾賊上援漢亦自九江回援時制軍自廣濟徑趨德  
堂總戎國才恆參將泰亦自九江回援時制軍自廣濟徑趨德  
安隆問雲中丞新至省夏方伯乞病去會城中與中丞策守備  
者惟多雲笏太守輩數人耳城外水陸援兵力皆單雖幸苦血戰  
無不一以當百而中丞太守城亡與亡不能救也迨後上以將軍  
官秀峯使相在荆州數有功命以欽差大臣制楚自荆州至與鶴  
人合攻漢陽羅山方伯亦得旨來援借迪庵庵起病督水師去來江  
楚與胡中丞合圍武昌而兵氣復振楊厚庵舒輔廷三都統馬隊  
上剽疾若風霆都直夫將軍巴玉農多禮堂舒輔廷三都統馬隊  
渡江南北翼步軍擊賊神速不可測並為賊所憚王總戎恆參將  
當省城陷力攻入賊卻走城幾復以不可守復出而王總戎恆參將  
都司金城初自滇至荆州有龍背橋之戰以數十人當賊數千荆  
州兵勢益壯賊不敢入至是恆陣亡王在使相軍而藝衛劉峙衡  
丁篁村普欽堂何子文張和甫袁懷忠石清吉鄒叔明通城李景  
湖武昌江勝諸營皆忠勇用命能各盡其長武昌且有雲龍  
集屯白楊橋斷賊接濟中丞又密定方略令薊泉以奇兵四出遊  
擊賊援數獲奇捷顧賊悍猾援多屢殲復大至薊泉久不下羅方伯  
裏創督戰卒軍中江西急又分兵俾劉普諸將與曾溫甫吳竹莊  
司馬回援薊泉後亦歸葬親遂援粵西而楚江漢水陸馬步諸軍

志二十七

建置三 壇廟

充

戰益力至丙辰冬十一月而二城同時克復蓋自粵賊起至是漢  
陽四陷而九江復會城亦三陷而三復矣水陸諸軍乘勝清楚境遂  
下圍九江九江之賊能堅守自塔武忠於陸厚庵亦屢勝自西掘  
溝塹數重圍之如胡官保圍會城彭雪琴復水師亦屢勝自西掘  
湖口丁巳六月州勦勇潰江北賊尾之上楚復大會胡宮保帥  
師下過之黃州勦黃次第復官保遂之人心以固迪庵亦遣弟希  
庵還省至戊午四月而九江始克復城賊無得倖脫者自河北大  
軍連鎮高唐大捷之後賊未有如斯之多也兵蓋亦勞甚  
矣俄鶴人軍入安徽境英霍賊逸出襲麻城黃安孫孫石觀察何  
龍臣司馬禦之不勝適迪庵自九江至會城將歸觀親督撫以安  
麻急留之馳救克之遂追之東下而與少司馬會於蘭谿少司馬  
丁援浙不難自辭遂帥師由楚江進雪琴方伯自是浙蘭谿少司馬  
師以待七月不敢辭遂帥師由楚江進雪琴方伯自是浙蘭谿少司馬  
廉調之舟中胡蓮舫次部劉震軒司馬郭意臣吳監湖口逆之嚴  
暨家弟叔鸞家羅少村主政皆在公所迪庵中丞孫廉卿孝廉  
軒與公弟溫甫司馬自斷水至希庵廉使自麻城會食將帥賓從  
州鎮將鮑春霖等亦各自防所來會於蘭谿賊臨江會食將帥賓從  
極一時之盛焉自後曾公師入湖口會浙中賊竄閩江西賊復熾  
公連克之遂由江西入閩而迪庵中丞暨溫甫松太湖潛山桐城舒  
城都多楊鮑方合圍安慶而迪庵中丞暨溫甫松太湖潛山桐城舒  
臣諸君子殉忠三河矣先是吾邑人士有建懷忠祠於寒溪之議



將以祀吳文節向忠武塔忠武江忠烈羅忠節諸公而並及死事  
於楚最烈與楚之死事最烈者至是而懷益悲議益亟矣向與塔  
皆以勞卒軍向忠武保障江東其功大而以報國者報公治軍靜肅  
亦公之力也塔智亭以曾公特薦起誓以報國者報公治軍靜肅  
身先士卒戰必克師過境如無事民甚德之吳文節公自滇星馳  
至楚不入節署登陣誓死守會城得不失賊退踞黃州公將待曾  
崇以憂去青代之守未至而崇中丞青提學連招趨之出致敗留不  
子久武昌開泰汪大治忠城者岳方伯興阿李廉使卿毅延太守  
志何武昌開泰汪大治忠城者岳方伯興阿李廉使卿毅延太守  
同謂青中丞曰吾輩職守士大人欽差官當圖恢復死無益也  
及克復鶴人求得公尸雖歷盛暑而如生殆氣志先定致然歟江  
忠烈岷樵衛湖南援江西屢著戰功按察湖北靖廣濟之亂不  
聲色玉石以分後以安徽巡撫力疾守廬州與布政使江夏劉裕  
常中丞雙提軍外梁方伯鄂難者總戎常守廬州與布政使江夏劉裕  
欽使王東槐馮學使培元明太守善周司馬祖銜繡使王壽同丁憂  
昌師雍及廣文吳長庚阮恩兒魯唯鄭從九恩等而梁瑞明繡最  
烈梁衣公服坐堂皇罵賊死明與繡巷戰死瑞巷戰力竭義不辱  
手刃幼子服延頸受刃以俱死王子蘭廉使亦救父死馮死  
試院左近井中鄭閩宅自焚死賊未至時子蘭廉使亦救父死馮死  
樓太守振鐸守漢陽以與會城相持角常中丞不能也漢陽  
城陷太守與遊擊李信死之江漢縉紳士女死忠節者不可殫記  
而武昌周干總文藻及其弟必譽以領團練隨撫標亦與焉其隨

志二十七

建置二壇廟

三

郭總兵仁布追勦賊至武昌縣戰死者百數十人姓名不可知矣  
此外死事最烈在人耳目者有監利李果山懋華漢陽蕭杏村逢  
春江夏田豹君學韜皆戰死粵西沔陽劉九甫興桓戰死江華賊  
始入楚北蒲圻有周贈守和祥胡千總起太死之起太嘗為武昌  
縣把總癸丑賊自九江回竄田家鎮有督糧道徐豐玉漢黃德道  
張汝瀛荆門賊自九江回竄田家鎮有督糧道徐豐玉漢黃德道  
田熊孝廉五緯黃安有彭信甫主政宗達乙卯太守雲門蘄水有羅  
廣文贊元死之興國州牧郭鍊吾維鍵奔省城殉難黃岡令翁蓬  
山汝瀛則與舉人邱文從九品桂鵬廩生羅文彪戰死沔陽臨湘  
諸生李文淳率眾救通城力戰死之而黃岡丁蟠溪贈守瑣先是  
死事曲沃黃梅帥抑齋觀察遠輝及其從子疇後亦死事江西斯  
皆明於以死勤事之大義者也塔羅故齊名子疇後亦死事江西斯  
山羅山公軍再入楚迪庵將右薊泉將左羅山卒迪庵兼將湘中  
軍而胡公官保起曾公後亦以延攬將才為己任故水陸諸帥皆  
樂為用官使相推賢讓善休有容與宮保同功今河之難賊燄  
亦以脣齒義饋餉濟師不絕楚是以和而南有今河之難賊燄  
復少張而都多橫截於上楊鮑牽綴於下南有今河之難賊燄  
人諸軍各扼衝要俾不得逞使相方檄希庵廉使駐黃州收集舊  
取賊巢吾知罪貫盈視師而曾公同庶矣惟江皖之行與金陵諸軍  
者逝而不返為可悲耳此所以昭忠亂矣惟江皖之行與金陵諸軍  
也人心之公國典之輔也同此昭忠亂矣惟江皖之行與金陵諸軍  
亟圖之柯茂枝有懷忠祠碑記不錄



貞烈祠在縣東南三十里祀烈婦汪馬氏縣志

嘉魚縣

社稷壇在灌磯山頂雍正十年知縣王邦鼐重建縣志

先農壇在東門外雍正丁未年知縣王邦鼐建縣志藉田每歲額徵穀三石

神祇壇在城東棗林背縣志

厲壇在北門外縣志

關帝廟在分司舊址嘉慶志康熙間知縣來鑑自東嶺移建雍正間

知縣張其維重修縣志

文昌祠在城東後街咸豐十年知縣武鎮西建縣志

城隍廟在縣東南明洪武三年知縣王孔昭自縣西移建天順三

年知縣劉循宏治開知縣馬炳然相繼續修縣志清順治八年重建

雍正間知縣湯星南乾隆間知縣黃通理相繼增葺咸豐五年燬

志二十七

建置三 壇廟

三

九年知縣武鎮西捐建縣志

靖江王廟在六溪口建自唐清雍正間總督邁柱捐建修縣志

劉猛將軍廟在關廟東咸豐七年知縣武鎮西建縣志

龍王廟在六溪口元時建明洪武間修縣志

梅山龍王廟在楊藥洞口明正統十四年重建縣志

東嶽廟在東門外縣志

吳大帝廟在石頭口赤壁山右三國時孫權保此民祠之明洪武

十六年知縣劉秉政重修別有祠在縣西南界石明洪武八年建

縣志一在豐里禱雨輒應俗稱成德廟縣志

丁將軍祠在六溪口祀吳將軍丁奉據龍文鼎記增

許真君廟在大崖山祀晉旌陽令許遜縣志

三忠祠在縣東明嘉靖八年知縣陳一言建以漢關忠義唐張睢



陽宋岳武穆合祠春秋祀之

嘉慶志

案縣舊志云祠舊祀睢陽

修記中尙專指睢陽則合祠必不始

於宏治府舊志亦作嘉靖時合祠

珍重修

縣志

張中丞廟在縣南祀唐張巡

嘉慶志

岳武穆祠在縣治前

縣志

理學祠在大崖山明儒李承箕讀書於此知縣蔣時馨建祠祀之

據楊記增

楊起元理學祠記云古人以學道為急故不遠而從

師子游吳人也而學於魯陳良楚人也而北學於中國若此者難

望於後世矣後世以訓詁辭章為學其於聖人之道莫不自以為

知之也又奚以師友為哉先生幼抱異質長雄於文一領鄉薦遂

絕意仕進從嘉魚走新會以學於白沙先生此果何所見而然也

蓋先生秉剛明之氣故其神識拔出於流俗之表一切功名富貴

不足以為之動地之相去也豈止千有餘里而已至白沙者凡三

其始也居七越月其繼也居一歲又其繼也幾二歲矣當其時師

弟子相與登高山望遠海追雲逐月飲酒賦詩以為樂至於何物

而為道何物而為學師言曰吾以待世卿之自得也弟子亦不問

日吾亦待自得之也此其聲應氣投高風遠韻萬世之下豈不令

人有餘思哉今之知先生者皆以瑰奇之文及不仕之節而已至

志二十七

建置二壇廟

三

於依依於白沙而不忍舍者未知也是秉先生之所重者以重先

生也白沙先生嘗序交情為先生別意義最為微奧大抵言有道

而後有交嗟夫交義之不明於世久矣如先生之於白沙乃所謂

交也交義立而後友之倫不廢友之倫不廢而後彝倫常敘矣然

則吾人與天下後世所當重先生者誠在此先生沒已祀鄉賢歲

丁亥嘉魚令蔣公即先生讀書大崖之山捐俸特立專祠因賀祠

旁公塘二十畝俾先生子孫世世收入以奉祀事蓋先生之德久

而彌彰亦蔣公之志行有曠世相感者也先生曾孫僚今年成進

士乃致辭故特著之以示務學者知求師而事師若先生者可也蔣

公名時馨福建漳平人同予舉丁

丑進士今擢南京大理寺評事

二賢祠祀明儒李承箕知縣蔣時馨

據龐記增龐一德二賢祠

名進士試宰嘉魚遊刃恢恢百廢具舉既進嘉庠之士日勞而月

來之矣而公固自負千載之絕學謂能紹明其緒又謂邑中可與

共此者獨一李公大崖先生而阻於世遠也因起九泉可作之思

於公舊隱大崖山之麓買地鳩工築書堂以祀邑中諸後學遂駁

駁乎與具有統宗云蔣公擢為廷評為選部未幾竟挂冠去而公

所與共盟為肝膽慕岡馮公以巡道之節行嘉魚咨詢蔣公為令

時事概慕之低回不能去於是邑庠諸彥黃生文炳徐生繼治輩

退而以其私議曰吾邑所茹服賢侯之利不無善政者莫若蔣公

蔣公之應祠無疑然公所尊信實在大崖祠大崖而不於城郭不

載祀典公之心疑若有待者我輩尚亦率先聞闡為二公圖不朽



而以祀典求隸有司乎議既具博士偕來白令一德謂善因曰豈不聞蔣公旦夕且拜命起家霖雨蒼生乎如之何而與李公之陟降帝載者伍也有說於此惟前為之堂貌蔣公慰瞻仰後為之寢矣李公肇祀是法之所行於今茲者而同堂以食則他日事矣諸博士若弟子具唯唯令遂自白署學道西安周公守道清浦陳公若馮公報並可卜得吉地於官牆之右大小偕來令一德出餘俸以助之始工於萬曆辛丑之二月越若千里走漳平貌蔣公以次丁日始祭李公於寢室又邑民有不遠三千里走漳平貌蔣公以歸者時亦至因範木為像樹前堂凡既備矣令曰不有經費時祀何所資其歲以公費河湖草湔若干緡奉春秋祀申明守道晉江楊公報如陳公令曰不有守者灑掃何所藉其以厲壇門子設祠役著為令他日黃生徐生輩謀以當時名公之記垂不朽責予一言為先資令曰記以記二公之為學服計也者不佞安知不佞所知者奮乎百世之上百世之下聞焉而興起者是謂百世師李公起於俗學支離之日其所嚴事者惟一獨坐青山不著書之陳子超然而瑩然也蔣公生姚學大明之後而所慨慕惟一聲利外立脚之大崖淵然而粹然也是不亦廉頑立懦之伯夷而寬鄙敦薄之展季乎百世之下二賢且有餘風師之遂從而祠之豈不誠有司者當務之急而二三子若父老所為拳拳者哉而或者又以為李公動而能神之說為有以近契乎至近至神之旨蔣公祛邪意誠之教為有以遠符於去耳目支離之訓而一以為江門之顏子一以為江門之孟子是則知言之學自韓退之而下未易以置一喙者不佞潦倒簿書之日久誠因二三子而竊有聞焉敢不拜賜馮公名應京壬辰進士任僉憲周公名傳誦己丑進士任憲

志二十七

建置二 壇廟

三

副陳公名一珠丁丑進士任藩大參楊公名道會戊辰進士任憲使而令一德為龐氏南海人

金熊祠在舊書院東道光七年知縣邵勳捐建祀明金忠節聲熊

閣部開元以邑紳尹侃配後復增祀知縣邵勳邑紳徐世俊兵燹

後光緒二年重修歲以三月十九月初八二日祭縣志

二賢祠在儒學儀門內祀教諭鄭家鏊李道平縣志

忠義節烈祠在城隍廟西咸豐八年知縣錢炳熙建縣志

蒲圻縣

社稷壇在豐樂門外縣志

先農壇在城西馬鞍山道光十七年知縣勞光泰自龍翔山遷建

縣志 藉田每歲額徵穀三十石

神祇壇在南門外縣志

關帝廟在北門內康熙十年知縣張圻隆捐建咸豐閒兵燹同治



元年重建縣志一在登瀛坊下嘉慶志

城隍廟在仙遊坊明洪武元年建成化六年知縣葛鳳儀修天啓

聞知縣吳炳曹應聘尹洗相繼重修清康熙元年知縣張觀元重

建咸豐初燬於兵九年知縣杜嘉善恩榮修復縣志

龍王廟在荆泉山嘉慶志

天妃廟在河北龍翔山右祀臨水夫人嘉慶志

增志重修縣志

東嶽廟在新店縣志

侯王廟在靈應山仙雲觀下祀吳魯肅呂蒙陸遜嘉慶志案

黃蓋祠在黃蓋山與神山近圖書集成

葛仙祠在縣南二十里丫髻山祀晉葛洪嘉慶志

張忠烈祠一在治東明崇禎四年知縣林增志建一在五嶽觀一

志二十七

建置三 壇廟

三

在縣北神山俱祀張巡嘉慶志

顏忠烈祠在縣南白石山合祀唐顏真卿臬卿允臧歲以八月十

五縣令致祭一在縣治忠孝坊一在縣治南關外嘉慶志

宣公祠在盤石湖隄祀明築隄知縣宣大勳嘉慶志案縣志

昭忠祠在治東顏忠烈祠左祀殉難文職知縣周和祥武職千總

胡起秦紳民陳修榮等凡二十五人勞光泰蒲圻殉難詩序壬子

肆焚燬縣令周君和祥縣丞張君汝琛縣尉何君耿城守千總胡

君起泰上舍陳君修榮皆殉難皆與予交好將弁兵民殉難千餘

人維時南陽鎮都司署遊擊王煜帶本標兵二百名河南撫標守

備擺元慶帶本標兵二百名河南撫標守備署陳州榮都司帶陳

州營兵二百名壽春鎮守備馬嵩慶帶本鎮兵二百名竹山協

外委黃長森帶本協兵七十六名戰死者十之八九予在通城聞

信借刺史金君菊仙同至收瘞忠骸立碑彙其事達大府醫其受

傷未亡者自予捧檄赴通城備守禦重九日路經蒲圻諸君留住

一日敘談甚歡至城陷日正市兩月作詩為弔和陶擬古九首焦

土已無蘭灰燼及枯柳可憐別兩月計日未云久如何天不弔喪

拜謝諸君守城意良厚同節千餘人他縣豈能有死者信無憾傷



者命易終衣食苟不恤誰復肯從戎周君爾生時愛士為土雄區  
區體此意不使怯冷風傷者亦已愈死者傳無窮行當立專祠鑄  
像祀城中君始出西蜀竹山宰一隅越歲轉宜城賊氣不改奇團  
練法古法民自守其廬六月移宰此嚴冬殺百草殺盡四野荒明  
事蘇荒蕪料知從今去發榮前不如嚴冬殺百草殺盡四野荒明  
春發滋長秀色何堂堂殺甚秀乃其此理非杏茫張君作丞佐殺  
賊登戰場力盡死城上兩眼對北邙君為中州士眉宇自軒昂稟  
氣復和雅不圓亦不方立節繼大令可賀無哀傷豈惟丞立節何  
尉節亦完守獄乃其職十年著傲冠能餓復能死有好奇容顏君  
小生浙西長出嘉峪關風雪使易老壯氣銷眉端五十補獄吏取  
琴對獄彈初操傷別鶴再操泣孤鸞聽者皆就君願君保歲寒三  
君皆文吏武職並如茲聞君作城守立功方及時視賊但如蟻傷  
雞鬪臨淄自誓毋苟免決勝奚復疑大呼急殺賊舉城聞其辭傷  
重力已弱還家更沈思丈夫裹馬革頗喜不自欺豈料裏靡及七  
日犬守之我乃義此犬為作義犬詩一城四死職仙館奏雲和陳  
君老隱士八十行且歌慷慨獨罵賊大義感人多節成追論品乃  
如灼灼華還為周君喜得士喜如何五君皆我友九日嘗來遊相  
見無俗慮談論遍九州世事有改易時日如水流城西一片地已  
成古人邱重開認諸將標識詳  
且周殷勤賴刺史吾亦隨相求

咸寧縣

社稷壇在縣西明洪武八年建天順間知縣陳灝重建正德中知

志二十七

建置二 壇廟

三

縣邱魁修今址尚存歲祭於先農壇咸寧縣志

先農壇在縣南縣志藉田每歲額徵大麥四石五斗

神祇壇在縣金山南明洪武八年建天順正德間續修縣志

粵祭乾隆七年定未另立壇每歲孟夏於先農壇致祭縣志

厲壇舊在縣西北明弘治中知縣施達遷北門外復遷東高山下

縣志

關帝廟在縣東嘉慶志明知縣陳灝建崇禎間遊擊劉承允平峽山

賊獲神佑因重修清嘉慶十六年知縣郎錦駿修復後圯道光十

七年知縣夏廷樾重建咸豐二年燬於寇別廟一在縣東官埠橋

西一在上七都縣志

文昌祠舊在大成門東明景泰建久廢府志清康熙九年知縣何廷

韜卽城西建閣祀之旋圯乾隆間改建於南城內積儲所故址光



緒八年知縣陳樹楠重修縣志

城隍廟在縣市後街南嘉慶志明宣德中知縣謝伸重建正德間知

縣王介崇禎間知縣孟良範修清康熙間知縣何廷韜重葺咸豐

兵燹後半就傾圮同治四年邑人修復縣志

來蘇廟在縣西南縣志

龍神祠

朱老廟在縣羅家渡北相傳其神初為本邑牢吏午節夜歸聞鬼

語將以毒散井中朱恐詰朝語人不信不若以身投井死晨自無

汲者後起尸毒氣所觸唇若鳥啄至今午節祀之以禦疫一統清志

康熙四年知縣何廷韜別建新廟於北門內縣志

東嶽廟在縣治東明正統中知縣龐端建清康熙六年知縣何廷

韜重修咸豐二年寇燬縣志

志二十七

建置二 壇廟

三

玉皇廟在西河寺前舊在東峯下明天啓中改建西河寺後清康

熙四年知縣何廷韜移建今址縣志

洞庭廟在白河潭縣志

吳王廟在馬驛姜家巷內縣志

張中丞廟案縣志云在資福寺左祀唐張巡明知縣陳灝重建清

康熙七年知縣何廷韜修縣志

宋馮文簡公祠祀宋馮京祠舊在相山書院縣志明陳方建祠

世者不得祀於國猶得祀於鄉昭崇報也苟當祀而廢則失之慢

不當祀而興則失之詭慢與詔夫豈禮哉宋樞密使馮文簡公名

京字當世世居楚咸甯相山之下其先君宣徽南院使太子少師

贈司徒式之有陰德遂生公既長博學有大志仁宗皇祐元年鄉

試至廷試皆居首選時稱馮三元尋倅荆南後擢修起居注出知

益州民皆安之神宗即位以爲御史中丞上疏論王安石新法之

失安石指爲邪說請黜之神宗不允陞爲樞密副使未幾參知政

事居政事數與安石論辨不合及呂惠卿議罷制舉公力爭以爲

不可惠卿銜之因誣以罪出知亳州熙寧九年復詔爲同知樞密

院事元豐三年拜樞密使四年罷卒鄉之士以宋進士三試皆第



一僅三人公在其一可謂科甲中豪傑士也公再歷外寄兩入政  
府民被其澤君信其忠雖奸回屢排而中立不倚其節操誠有以  
垂世範俗也德之所及功之初鄉之存仰諸天俯諸人復何愧哉  
未之祠實宋闕典也至元初禮部卿葉公謂曰馮文簡公成子崑  
山王慶分於國朝祠就燕廢故址雖存而無能續創於相山之旁  
人也為宋名臣而祠久廢作興之責其在子乎夫教之所施忠  
孝是報功德於昔而激勸於宋忠矣今之祠宇蕪廢若此非所  
知馮章通判陳琳以督賦繼至為慶日諾暨至成寧適武昌同  
在所緩公事在琳以督賦繼至為慶日諾暨至成寧適武昌同  
不內愧乎特移私第以卿葉公之命予既諾之先已而後彼獨  
址材不足增之用不給補之命工役力建祠三間繚以周垣揭  
高門通歷日月凡幾而祠告成後慮祠雖成歲祀無征祠旁舊  
池若干畝久沒於間右慶圖復之勤矣哉誠不負亞卿葉公之  
祀之費而計可經久慶之心亦勤矣嗚呼教人負亞卿葉公之  
俾文簡公之節以昭示於悠久也嗚呼教人負亞卿葉公之  
未入之深導人節操以行昭示於悠久也嗚呼教人負亞卿葉公之  
其世德之厚節操以行昭示於悠久也嗚呼教人負亞卿葉公之  
崇報之典興禮義之心又惡知無若交簡公之出於其間乎是則  
文簡公之節興禮義之心又惡知無若交簡公之出於其間乎是則  
而後克成其美也爰書此記諸石庶將來有攷云之心正德間  
重修祠記云其美也爰書此記諸石庶將來有攷云之心正德間  
為之會貞脈以爲之息契其幾以參二元神之化丁其會以相國

志二十七

建置二 壇廟

毛

家之宜運其脈以立吾身綱常之柱豎節義之標則天與我之意  
不孤矣予嘗觀之紫微自左右樞而上尉次之衛次之丞相又次  
符明焉客星入則讒夫昌而三台溷焉此非大造者元神周遊八  
法流益六虛而氣脈之凝萃以昭示於蒸斂無耶宋自太祖辛酉  
位爲天維撫圖御極迄於眞仁和氣郁蒸斂無耶宋自太祖辛酉  
崇五年之象也入翼十二度識者以爲有異人生焉夫翼鄂之分  
崇元年有祥雲繞華蓋星史官曰鬱鬱芬芬登賢氣也文簡公  
完脈之儲者乎矣嗟乎天之所子官曰鬱鬱芬芬登賢氣也文簡公  
之咸寧父商封太子簡名京字當世其初宜山先世祖徙居南郡  
粹神鋒而豪曹湛盧電歛靈變舉莫與之京始播績於荆藩繼馳  
芳於益郡而孤憤赫然聳動寰宇尋召爲御史中丞遷爲樞密則  
右丞而剛風勁氣被於縉紳人無敢訾議之者後遷爲樞密則  
天左而剛風勁氣被於縉紳人無敢訾議之者後遷爲樞密則  
禱奸魄再入爲院使而挽屯旋如利社稷之功居多及罷政而歸  
乃偃仰嘯歌於東臯之上與雲物爲朋徒至今顏其山曰相山夫  
羣邪側目之秋固非離齷庸瑣者之所能立而雍容黃扉以亮天  
極必英邁卓犖然萬物之表者能之公也契其幾丁其會而  
運其脈焉豈非參大造之功而獨往者乎然公之化分教王慶肇  
神則不死於提督學校廬陵陳公方爲文以鉞之迨正德十有  
崇基以祀公提督學校廬陵陳公方爲文以鉞之迨正德十有  
祀丁丑涌川張公邦奇奉命提督如陳而剛明則過之每經望相



田之墟肝然歎息於是閩郡邱侯魁適會其意乃與司教曹伯恩  
趙文璣李玠史陳恩庠生萬悅樊孟芳等謀之卜協於相山之  
麓迺鳩厥工迺繩厥厥規迺啓厥宇以爲公神依邦之人曰邱侯宰  
我也煦沫我非也刻奸以詰返瀆以樸而幅無華無往不事是  
役也其無乃非嘉惠也乎子猶以爲文簡之心曠百世而相感則  
其元神散而復聚英氣盪而復完貞脈花而復儲安知金山之靈  
淫水之精有不融結醴暢如德星之見者乎他日動關旋宿而垂  
耀紫宮將不爲祥雲之繞華蓋者乎奮精忠以衛王室將不爲公  
之秉正嫉邪與孝先公序並垂不朽明嘉靖四十一年知縣李春  
者乎邦人曰然固請記之因爲之記

和以文簡江夏人咸寧舊江夏地因改建縣學右嘉慶志一統志

宋馮文簡公京鄂州江夏人咸寧故江夏地也舊祀於鄉賢祠嘉  
靖庚申咸寧邑侯李致齋至謁祠歎曰文簡公文章勳業冠羣才  
而雄百代者也獨可無專祀哉越王戊歲度地於明倫堂之右中  
建祠堂旁列號舍周繚以垣規制章采宏且美矣於是奉文簡之  
主安焉題曰馮文簡公祠陳組列尊祀事有嚴考鐘伐鼓厥聲洋  
洋儼然如文簡公生存也時學論活泉王子濤分教梅郭汪子階  
練亭曹子梓謀曰崇德育才侯直任之索文簡子立之居而問記於  
是練亭子與其徒錢子東顏陳子簡造兩崖子立之居而問記於  
立悵然曰往予讀書潛山僧舍舊文簡讀書第也予竊慕焉竟未  
能嗣其芳躅乃今記公之祠也於是愧且言曰侯之爲是也協諸  
義矣以昭先哲以風世習以啓後學義復該矣按史曰京自鄉舉  
禮部至廷試皆第一時猶未娶張堯佐負宮掖勢欲妻以女擁至

志二十七

建置二 壇廟

亥

其家束以金帶曰此上意也頃之宮中持酒肴來而面出奩具目示  
之京笑不視力辭出已妻富弼女避弼當國嫌以龍圖閣待制出  
知揚州繼爲翰林學士知開封府數月不詣丞相府韓琦語弼以  
京爲傲弼使往見琦京曰公爲宰相從官不妄造請乃所以爲公  
重非傲也子立曰茲公之自擇也卓乎識矣神宗朝公爲御史中  
丞王安石爲政立論其更張失宜累數千百言安石指爲邪說請  
黜之帝不聽會鄭俠上書言時政薦京可相呂惠卿因是譖京與  
俠通罷知毫州子立曰茲公之特立也確乎正矣帝尋詔知樞密  
院京詔有渴想儀型不夕呼左右語曰適夢馮京入朝甚慰人意乃  
曰茲公之悟主也願乎誠矣夫惟識則向見首以所夢告焉子立  
回惟誠則君心自孚先哲之軌昭昭也故曰昭先哲惟正則論辨勿  
權其誠聞公之識俛首於時議者枉其正也故曰昭先哲惟正則論辨勿  
虧其誠聞公之識俛首於時議者枉其正也故曰昭先哲惟正則論辨勿  
者謂其遠也生斯地者儀型在望乃遠者弗若也耶凡我鄂人  
相與興起以無忝於鄉先生則古今殊產鄂爲多矣故曰啓後學  
馬侯之是舉協諸義而義復該矣嗟乎公無專祀數百年矣至是  
始有之復廣學舍以翼之侯何私於公哉秉彝好德之公不容已  
於心也侯無賢矣祠費出侯俸其所濟諸侯名春和字子中別號  
致齋廣昌人邑多善萬曆中兵巡道馮應京移啓聖宮西崇禎閒  
政尋亦有專祀乎

以孟忠定公養浩配易額文忠清康熙五年知縣何廷韜重建

縣志



崇陽縣

社稷壇在西門外雍正十年知縣李五惇建崇陽縣志

先農壇在縣西灌溪側雍正四年知縣侯爵置藉田五年知縣張

標建祠十年知縣李五惇建壇縣志藉田每歲額徵穀七石五斗

神祇壇在東門外縣志

厲壇在北門外以上四壇均道光十三年王觀潮修縣志

關帝廟在縣西南二百步嘉慶志元邑人嚴貞常建久廢今致祭之

廟在東城後街一名護國寺康熙三十三年建知縣何嘉儒捐置

祭田咸豐四年燬同治十年知縣傅維祜重建縣志

文昌祠在學宮明倫堂後道光二十三年邑紳殷植澧修今廢一

在西城外美美亭故址康熙二十二年知縣李特生建嘉慶元年

道光閒先後修葺咸豐閒燬同治元年知縣王紹薪修復縣志

志二十七

建置二 壇廟

无

城隍廟在東街分司舊址舊在西門外明洪武初建宣德中典史

楊泰修景泰末知縣焦玘重修清康熙十七年禱雨有應知縣金

縣祖增建旋圯雍正七年知縣張慄改建今圯道光閒知縣符其

珍增修咸豐中燬旋經知縣王筠節及同治閒知縣高佐廷續修

復縣志

吳季子廟在臺橋市祀吳公子札縣志

三閭廟在搶水巖祀楚屈原縣志

丁公祠在西城外祀吳將丁奉康熙十四年知縣金縣祖建成豐

四年燬九年別建祠於南城外河岸縣志

伏波將軍廟在縣北舊志馬援征交趾常過此又前武帝元鼎五

年遣伏波將軍路博德將兵擊南越建武二十五年援征武陵進

營壺頭或曰葛洪亦伏波將軍而崇陽多洪鍊丹處恐祀洪也康熙



志

昭明太子廟一在東關一在上峯嶺縣志

普應廟在東郭廣德觀左祀顯潤廣利侯赤壁之神威潤昭惠侯

葛洪惠澤慈利侯蕭丹廟始於唐至宋始賜額今廢縣志

雙忠祠在北門外祀張巡許遠舊稱太尉廟一名景佑縣志

張中丞廟在北峯亭下嘉慶志

溫司空祠在縣東舊在學宮內黃巢弄兵溫遷約自長沙糾義兵捍禦

賊不敢犯卒以靖民朝廷嘉之遂命檢校司空鄂州制置使兼知

鄂州嘉慶志祠久廢今灌溪妙明西禪等寺猶奉其像縣志

廖將軍廟在縣西上津渡唐大中閒廖忠兄弟舉義旅與巢寇戰

死宋淳祐中知縣陳仲微為文祭之廟久廢康熙志清雍正三年知

縣侯爵移建儒學頭門內縣志

志二十七

建置二 壇廟

三

苦竹祠一名吳王廟在南城內元泰定閒建祀吳王楊行密一在

北門外縣志

先賢祠在縣學左祀唐溫庭筠宋張詠李涓陳仲微嘉慶志

張乖崖祠在縣北縣志作在城外宋張詠宰是邑有美政民思之即詠

所建美美亭立生祠嘉慶志及沒其遺跡所在皆立祠元豐三年知

縣王欲為文記之又有碑闕名亦宋時所勒縣志無名氏乖崖

忠定張公詠所作也詠字復之乖崖者乖則違眾崖則絕物此復

之自贊其畫像云像傳自成都仙游寺摹寫至鄂州刺史後屋迫

隘塵囂與像勿稱乃更祀於崇軒爽地並書所以作堂意揭示來

者公郵城人太平興國五年進士第初宰崇陽有異政淳化初

擢使荆湖北路越三歲召拜樞密學士出守成都祥符八年卒於

淮陽追諡忠定則景祐三年詔也復之大節奇行海內傾仰其居

朝廷之日少處方面之日多不登相位時論惜之寇平仲王子明

皆復之同年之賢者平仲攘遏之功天下賴之而復之故謂直不

我使則以復之當平仲任其處之必有道矣玉清昭應宮之役子

明不能強諫奉天書行事每有愧色復之獨抗疏乞斬丁謂以謝

天下子明病革真宗擬相復之則復之亡矣假復之無恙丁謂何

敢肆其奸周懷政雷允恭亦安從貽禍復之嘗議平仲不學無術





或謂復之太過而平仲獨心折焉末路低徊還秉鈞軸訖與附會  
視復之學術豈不少愧哉復之本不欲仕攘袂纓冠誠非得已凡  
所與交多方外逸人視棄冠冕猶敝履耳其至大至剛直養之氣  
一生不少屈至今凜然也畫像服飾悉如隱者之態便邀遊乎茲  
邑蓋復之所經行神其會之矣然余猶恨復之於當時元大德  
私謗竊議果無足信要以趙閔道司馬君實所錄為實

閒改建社壇縣志明嘉靖閒一徙至縣治東再遷祀北峯亭繼又改

建分司舊址程賢祭乖崖文維公惠政在民相業在史作宰崇陽

七月廿六實公誕辰蜀人祀之崇復諷今清雍正七年知縣張慄

祠宇我新牲帛我將公靈於茲山高水長

重建十一年知縣李五惇修置祭產道光二十二年知縣金雲門

重修縣志韓文公祠在崇陽縣西左墻坳縣志

王令祠在昌國寺前縣志作巖頭寺宋乾道中縣令王漑有惠政邑民祠

之以丞相李綱配嘉慶志案李綱在前云配享失之

李大夫忠顯廟在縣東南城上祀宋令李涓靖康之難涓戰死邑

志二十七

建置二 壇廟

三

人祠之康熙志歷久圯清道光三年修復縣志

黃山谷祠在金城山縣志

岳忠武祠在河嶺畷縣志

杜李二侯祠在石規堰祀明知縣杜宗彝李冲縣志

何公祠在北門外為知縣何嘉儒建道光二十三年知縣金雲門

修縣志

師公祠在美錦坊道光二十三年建祀殉節知縣師長治以典史

王光宇附志

金公祠在南城內道光二十二年建為知縣金雲門生祠後雲門

為黃州太守咸豐二年九月十六日殉難於黃州邑人歲以是日

致祭附祀汪恭人及二女縣志

鈕公祠在北門內同治十年知縣傅維祐建祀殉難知縣鈕芳津



附祀同時死事知縣吳振鏞守備黃鵬程贈主簿銜董鈴

縣志

昭忠祠在城內同治初建祀殉難官紳及鄉勇士民

縣志

通城縣

社稷壇在縣西北建自宋明萬曆間知縣趙廷儼改建演武亭前

旋改歸舊址清道光間知縣林逢年重修

通城縣志

先農壇在南門外雍正間知縣周琪建道光間知縣林逢年重修

縣志 藉田每歲額徵穀五石

神祇壇在縣南明洪武初知縣馬極建清道光間知縣林逢年修

今圯

縣志

厲壇在北門外

建置同神祇壇 縣志

關帝廟在東城內公署後

嘉慶志 縣志 作黃華堂後

乾隆間知縣石為瑞梁永臨千總李成英先後修葺咸豐四年燬

志二十七

建置三 壇廟

三

於寇十年知縣傅詩勸捐重修別廟在馬鞍山元至元五年監侯

札木花建一在縣北尖畝圖

縣志

文昌祠在文廟崇聖宮左道光七年建咸豐四年燬十年貢生何

立中修復

縣志

城隍廟在縣城南門內明洪武初知縣馬極建景泰間知縣楊慶

成化間典史羅廣萬曆間知縣趙廷儼先後葺治清康熙間知縣

白琯乾隆間知縣陸昌齡明福典史孟士元陸續增建咸豐四年

燬於兵同治四年知縣鄭茨重建

縣志

光緒六年知縣舒恭壽倡捐

重建

縣志

龍王廟在盤庚里建自宋清康熙元年重修

縣志

火官廟在北門外咸豐十一年知縣鄭茨捐修同治四年邑紳李

華如等增葺

縣志



東嶽廟在九峯圖明正統閒建清道光閒修咸豐四年寇燬縣志

靖江王廟在拱北橋東明弘治閒建清道光閒修縣志

吳王廟在縣東縣志作秀水右團山祀吳王楊行密一統志清咸豐四年燬同

治四年邑人修復別廟在章元圖額曰孝武縣志

廖將軍廟在下太平里乾隆府志作下太里之茹山與今縣志合祀唐廖忠嘉慶志案縣志作

祀廖忠廖恕

方尙書廟在縣東雞鳴嶺縣志宋建炎二年建據宋尹仲忠廟碑記增祀宋兵

部尙書方瓊清康熙四十四年知縣辛禹昆勸捐重建雍正三年

設祀生一人縣志

五顯廟在城南明天順中黃裳募修縣志

三公廟在城南祀惠澤慈濟侯蕭顯潤廣利侯赤歲潤昭惠侯葛

洪縣志案此與崇陽普應廟所記同而誤字殊甚據圖書集成引舊志蕭下有公字赤歲作赤山威三字赤山即前赤壁中又

志二十七

建置二 壇廟

三

脫壁字赤壁之神即周瑜也見圖書集成蕭公前作蕭丹位次第三其人未詳

四靈官廟在西門內祀西方金神縣志

柳主簿廟在縣南錫山之陰相傳主簿督工採礦穴崩官夫俱陷

後雷雨大作擁出其尸如生立廟祀之圖書集成引舊志

昭忠祠在東城內同治二年邑紳樊登雲等建縣志

貞節祠舊在書院右雍正九年知縣周珙建祀明季節婦陳江氏

清貞女皮鳳貞道光閒改建學宮陳皮二姓遷祠於縣署左咸豐

四年燬今修縣志案縣志無節孝祠其續祀節孝即在此祠

興國州

社稷壇在福聖寺側興國州志

先農壇在北門外雍正五年知州黃澄建州志藉田每歲額徵穀九石二斗

神祇壇在大西門外州志



厲壇在北關外州志

關帝廟在大東門內嘉慶志咸豐三年寇燬同治元年重建一在蟠

龍山同治五年重建十二年續修州志

文昌閣在小東門外城隍廟左光緒七年改建於小西門內富川

書院之左光緒十七年復移建故處州志

城隍廟在富川門右嘉靖萬曆崇禎代修葺清順治十一年重建

康熙道光朝先後重修咸豐五年寇燬九年重建同治六年修州志

龍神廟一在州署左一在武廟右今移富川書院左州志

保康廟在大西門外咸豐六年患蝗十年州紳陳光亨因建廟祀

劉猛將軍患乃息旋燬於賊同治元年重建州志

馬王廟在大南門內州志

惠澤龍王廟在州東南三十里州志

志二十七

建置三 壇廟

三

四官殿在富川門右明季為三官殿案三官即三國志劉馬傳注所謂天地水三官也吳國倫

有記清嘉慶間增入火官因名四官殿 州志

皋陶廟在吏目署側州志 案後漢書范滂傳滂入獄獄吏請祭皋陶是漢時即有此廟也

屈子祠在富川門外同治間士民重修州志

蕭曹廟在州署儀門內州志 案此與皋陶廟府縣書吏之所祠祀凡衙署皆有之獨興國志載之而他志

不載者統於衙署之內也

高山廟在州北六十里祀吳王孫策嘉慶志今祀大帝權州志

甘將軍廟在富池口祀吳將軍甘寧宋以神有護國功賜廟號曰

昭勇嘉慶志繫年錄云建炎四年詔加封吳將甘寧為昭毅武惠靈

顯王夷堅志云建炎初巨寇馬進自蘄黃渡江至廟下求盃琰欲

屠與國神不許琰著門頰上屹立不墜進驚懼又有二大琰虛綴

楣門相傳為黃巢所擲輿地紀勝 宋明改號吳將軍甘公之神 王質昭勇祠記



春秋祀之嘉慶志

呂蒙廟在州北雙港州志案三國志本傳孫權以潯陽陽新為蒙奉邑州之立廟以此

慕容暉廟在永興縣西南一十里苻堅為謝玄所敗暉奔江表依山為棚後立祠焉寰宇記補遺

高陵王廟在永興縣東二百四十步秦高陵王居秦地後封楚王居此因立祠寰宇記補遺

梁王太尉廟在縣西三十五里梁太尉王僧辨為陳武帝所害於

白茆洲今廟在沫村是也寰宇記補遺

張睢陽祠在小西門外今移祀上武廟側州志

陸宣公祠在州南四十里陸贄使外郡過此奏免本邑州稅民立祠祀之嘉慶志

三賢祠在疊山祠側祀宋蘇東坡黃山谷王梅溪祠久圯今遷主

疊山祠內州志

忠義祠在興國州祀宋李宜舊聞錄建炎中金騎渡江郡守李宜嬰

城固守民賴以安後為賊所據遁於僧寺寺僧疑而殺之百姓傷

感建祠祀焉賜額忠義續文獻通考舊聞錄汪藻興國軍知

願以死守盡節君親遂得一境安帖悉無二心以免殘破事比者

敵兵犯吾江界驛驛千里既恃眾以揚威震動列城多望風而毀

節爾等天資忠義志在君親雖巧說之百端終堅持於一意頻誅

來使卒保提封唐郡皆降惟平原之能守齊城既下恃卽墨以復

興惟爾之功何慙於古載彼來奏良用歎嗟

汪參政祠在興國州舊聞錄

疊山祠在州東宋謝枋得以直言謫此立祠祀之嘉慶志明弘

治壬戌以知州胡瀛附祀舊聞錄王守仁興國守胡孟登生像

謫貳興國越三年權知州事公既久於其治乃奸鋤利植而民以

大和又明年壬戌擢浙江按察司僉事以去民既留公不可則相

率祀公之像以報公之德而學宮之左有疊山祠以祀宋臣謝枋

得者舊矣其土曰盍祀公像於是嗚呼吾州遭元之亂以人於皇



朝雖文風稍振而陋習未除士之登名科甲以顯於四方者相望如晨天之星數不能以一二蓋至於今遂茫然絕響者凡幾科矣自公之來斬山斥地以恢學宮洗垢磨鈍以新士習然後人知敦禮興樂而文采蔚然於湖湘之間薦於鄉者一歲而三人蓋夫子之道大昭於興國實自公始公之德惠固無庸言而化民成俗於是為大配於此其宜哉民曰不可其為公別立一祠公之未也吾民外苦於盜賊內殘於苛政濱湖之民死於漁課者數千餘家自公之至而盜不敢履興國之界民違猛虎魚鼈之患而始釋戈而安寢歌呼相慰以嬉於里巷公之惠澤吾獨不能出諸口耳嗚呼公有大造於吾民乃不能別立一祠而使泣食於謝公吾心有未足也士曰不然公與謝公皆以遷謫而至吾州謝公以文章節義為宋忠臣而公之氣槩風聲實相輝映祀公於此所以見公之庇吾民者不獨以其政事而吾民之所以懷公於不忘者又有在於長養恩卹之外也其於尊嚴崇重不滋為大乎於是其民相顧喜曰果如是我也無所憾矣然其誰記諸石以傳之乎曰公之讒嫉而未暢厥猷意亦知公之深者難也公嘗令於餘姚以吾人故某曰是姚人之願於公為悉乃走幣數千里而來請於子且告之思公如其始去每有自公所來者必相與循聚問公之起居飲食及其履歷之險易采狀貌鬚髮之蒼白與否退則相傳告以為欣戚以吾姚之思公知與國之為是舉亦其情之有不得已也然公之始去吾姚即嘗有去思之碑以紀公德今不可以重復其說而興國之績吾雖聞之甚詳然於其民為遠雖極揄揚之恐亦未

志二十七

建置三壇廟

美

足以當其心也姑述其請記之辭而詩以系之公諱瀛河南之羅山人有文武之長才而方嚮於用詩曰於惟胡公允毅孔直惟直不撓以興國惟此與國實荒有年自公之來闢為良田寇乘於垣死課於澤公曰吁嗟茲惟子謫勤爾桑禾謹爾室家歲時和民謠以歌乃築類官教以禮讓絃誦詩書溢於里巷庶民諄諄士彬彬公亦欣曰惟家人維公我父維公我母自公之去奪我怙恃維公之力展也不專於寬雨陽惟公我父維公我母自公之去奪我藝射御工力展也不專於寬雨陽惟公我父維公我母自公之去奪我父兄相謂母爾敢望天子用公訓於四方清黃澄岸孤峭先生祠碑記先生弋陽人天資敏邁博學為文章有奇氣風岸孤峭先生祠與世浮沈舉進士仕理宗朝授建寧府明景定甲子遂竄置興發策試宣城建康等郡潛使陸景思上其稿景定甲子遂竄置興國軍天下號為風漢先生來愛郡南北疊山自號豐山築室於軍之東澗開講堂士林嚮集慨然以植世教立民彝為任剗頑鈍集詩傳注疏文章軌範豈惟甄陶一邑百世仰高山焉蒸宗德祐起監司大夫裂一坏祠之公以山自予後人以墩予公至今山亦稱名墩亦姓謝弘治二年已未郡守胡瀛徙祠於學宮北再徙學宮東自嘉靖十一年庚子郡守吳希賢徙故址歷萬曆四年丙子郡守楊士元修順治十一年丙申司訓魏師一段修距今百九十年餘年土弱水驕涯岸如蕉剝漸成谷祠且折一楹入河矣康熙辛丑余來視州篆率諸生謁先生祠立敗瓦殘礫中悚息一拜不敢仰視肅余入後閣四壁凌空瓦椽參差不蔽椽煙且荒居民塞以草具諸生曰居無守余曰國無人先是萬曆積弊實存今田四石五畝歷飽中橐前郡守高夢龍得原券釐清積弊實存今田四石





六斗莊二所地稷一兩山一面給佃人薪歲出入以印簿學校掌  
之自是發會計得所餘貲若干諸紳士嘗所糾資若干翼以清俸  
新故閣期年閣成通計金若干日妥先生像故址則環一堵焉  
門之庭且逕矣雍正七年已酉余奉調改湖分府去之日祖道於  
祠吾揖諸紳士而言凡吾所以爲此者以先生之大實老門生後  
也先生仁且勇孝且忠前則劉忠齋門下丙辰一忠實老門生後  
則江西招諭使知信州亡宋一逃逋臣觀其驛樓給卜從容就義  
今學士猶侈談之而卻聘數書每潛然以九十三歲老母爲念其  
與程雪樓云君子取人先觀大節嗚呼士品蔑以加矣余謂學先  
生者當從大節始請以此爲多士則兼爲祠志不朽董事生員朱  
士經石泰臨明如漢盧斯爲王朝盛張裔靖

張椿二公祠在保康廟左祀知縣張輝祖椿齡州志

李剛介公祠在富池口光緒四年總督李瀚章奏建祀贈道銜湖

北補用知府荆門直隸州李棟州志

日富水西來注之水經謂之富口宣城李剛介公殉難處也公諱  
源字紫藩考宣範山西孟縣驛丞以循良幹濟名一時擢至松江  
府知府公幼從侍官舍久之遂明吏事又益考往古成敗得失  
與當世之務無所不究以國子生試順天屢躋入賞爲縣令道光  
二十六年選授公安縣知縣公安江水決隄歲大饑公稔知嚮時  
楚中吏遇水災輒以隄工代賑至老弱羸疾轉死之弊獨首急賑

志二十七

建置三 壇廟

三

事公安民垂死者獲更生而隄工亦卒集事咸豐元年調孝感縣  
讞滯獄三百餘事築考棚以便試士孝感有考棚自公始明年調  
鍾祥縣公爲縣所至於其地遠近險夷豐耗民與縣官相視若父子  
然人疾苦盡知之所爲治行遠近於誠民與縣官相視若父子  
所欲擒治朝發夕至頑族皆感泣願効死力鈞隱摘伏如神明有  
岳州率以武昌鍾祥及隣邑奸民乘間相嘯競起公親以安粵賊  
餘人率以武昌鍾祥及隣邑奸民乘間相嘯競起公親以安粵賊  
聲偵知襄陽王倡亂天門乘大霧掩擊悉俘其眾設伏聞道擒之  
歸巨盜蓋漢陽相繼陷楚中震卒上游諸郡所以無事入奏擢荆  
是時武盜漢陽相繼陷楚中震卒上游諸郡所以無事入奏擢荆  
平諸盜之力也明年賊掠東走省城復大府署以公署請留公  
門直隸州調署江夏縣鍾祥數萬人守安陸府署及公署請留公  
出論鄂中大吏交口一擊是歲裕北入甯江忠烈公署請留公  
及鄂中大夫交口一擊是歲裕北入甯江忠烈公署請留公  
林鳳祥等自豫入楚陷黃安趨麻城公適奉檄至省與漢陽同知  
張君曜孫以兵馳往擊賊黃岡之鵝公適奉檄至省與漢陽同知  
安慶與安慶兵夾擊盡殲賊復自江西南至寇破賊下蒼埠詔以  
知府升用賞戴藍翎黃德復自江西南至寇破賊下蒼埠詔以  
北將道徐君豐玉漢黃德復自江西南至寇破賊下蒼埠詔以  
他將道徐君豐玉漢黃德復自江西南至寇破賊下蒼埠詔以  
又敗益追不進公即率所部渡江擊賊賊敗走孤軍追之賊還戰  
引就水軍走左陷淖中賊乘無繼者分舟中賊登岸襲其後公  
數賊罵不絕口賊鬻之實咸豐三年九月十日也越日而田家鎮



不守賊遂長驅西上復陷武昌鄂中所在糜沸矣事聞詔贈道銜  
褒卹有加公安孝感鍾祥之民家祭巷哭如喪其親釀金錢為營  
佛事奉木主祠廟中及裕劍以往歲至鍾祥人入為言治鍾  
祥事若口之不能狀也皆曰吾鍾祥數月耳語次淚交頤下蓋距公  
公獨第一惜也殉難死矣裕劍因益歎公德入於人之心久而不忘  
死難之歲十有四年矣裕劍因益歎公德入於人之心久而不忘  
至於此同治二年湖北大吏復奏公死事甚烈在官政績尤卓著  
請合宣城及死事所建專祠祀之詔可予諡剛介五年其孤鹽提  
舉銜湖北候補通判襲雲騎尉妻走書裕劍請為公殉難之碑將  
勒之於富池口乃為序而銘之銘曰舉舉訛訛有百其偶皆壽而  
康乘車曳組傑出有公萬目環之剪奸迪蒙迺父迺師天乎何為  
民之無賜殲我賢良自今疇恃人之賢公曰善為吏吁公之有百  
始一試克究厥施維國之庇富水之濱潯陽之濱豐碑玢璘大江  
濱豐碑玢璘大江

大治縣

社稷壇在縣北一里道光閒知縣周祖銜重建大治縣志

先農壇在縣東北石家塘縣志藉田每歲額徵穀九石七斗二升

神祇壇在伍家觜縣志

厲壇在北關外縣志

志二十七

建置三 壇廟

美

關帝廟一在採芹橋左嘉慶志明萬曆閒建清康熙十八年知縣董

國相捐建旋移拱極門外道光閒知縣謝丕績周祖銜相繼修縣志

一在香鑪山一在興密山嘉慶志

文昌閣在青龍山明萬曆二十二年建嘉慶志清順治閒知縣辛宗

堯康熙閒知縣謝鏢乾隆閒知縣陳瞻燧道光閒知縣齊倬先後

增葺咸豐三年燬於賊同治四年知縣易振元倡捐修復縣志

城隍廟在縣署右明洪武閒自縣東移建清嘉慶閒知縣王宗徽

修咸豐三年燬八年知縣白潤重建同治五年知縣胡復初修縣志

昭濟龍王廟在縣東五里蛟潭上嘉慶志

龍神祠在採芹橋側縣志

火神祠在西市首鋪縣志

東嶽廟在縣東半里道光時知縣恩惠重修縣志



水府祠在四關縣志

吳王祠在縣西嘉慶志

吳甘將軍廟在大冶縣一統志

荆王廟在縣西三十里漢高祖封從兄賈為荆王九江王黥布反

王從征沒葬於此因立廟祀之嘉慶志清康熙間修縣志

張中丞廟在伍家嘴案嘉慶志據康熙志作在縣五十里以舊縣

攷伍家嘴即在縣東是志攷之不合而林馨重修祠記亦云在邑東

與縣志合矣通志誤明萬曆三十年知縣程九萬自東嶽廟改

冊

建清咸豐二年知縣林馨重修三年燬同治十三年邑人修復采訪

岳王廟在縣金山上明志云湯陰王之生地錢塘王之葬地岳鄂

王之血食地故民祀之縣志宋高祖廟在鐵山上祀劉裕嘉慶志

志二十七

建置三 壇廟

三

謝將軍廟在縣治後嘉慶志在縣西北一里案新舊世傳為晉謝

文靖公後為宋將軍駐武昌開寶間戰沒於齊安案通志謂將軍

將軍勇水戰世謂之謝鐵龍案縣志云宋景德中刻木招魂葬開

佚而河南志開封府屬亦無封沒儀學士陳彭年誌其墓今誌已

所謂謝墓者其名遂不可攷民德之為立祠一統志銀青光祿大夫廟在縣東四十里嘉慶志相傳大夫王姓

名文蔚南唐為將入宋破蠻有功咸平初立廟祀之縣志

司徒廟在宮臺里祀宋馮京州志

萬止齋先生祠在縣學元至正閒縣尹周鏜立以祀鄉先生萬人

傑明統志明弘治七年州判姜綰改建城隍廟左縣志姜綰記略

楨字人傑一字正純宋大治人學於朱子而有得焉者不仕以沒

至正初縣尹周鏜增祠於學宮之旁歲久祀額鞠為墟莽弘治甲

寅五月初御史大夫河東韓公檄縮來掌縣事閒閱縣乘始知是鄉

有先生焉於是度址於城隍廟左方而為之祠祠之堂五間中尙

以像南廊於堂制以位於主祭者東西則視南廊殺其二東處執事

之人西則酒罇與器牲匣香爐各一淨瓶二爵三豆五成如此具



門榜曰萬止齋先生祠階三級而牆四角周馬歲役守門者一戶  
享祝之儀則縣西公廡三間之賦三兩二錢春秋各用其半庶幾  
祠可久而不壞禮清康熙間縣丞陳長溶修縣志陳長溶記略  
可常而不廢也字正醅號好卻止齋宋寶祐進士而朱考亭之門人  
氣象儘好卻止齋宋寶祐進士而朱考亭之門人而正醇所論博文  
而正醇所論博文驗諸事約禮體諸身一則語浴沂章句乃答醇語  
州判姜瑄度址於城隍廟左改富池甘將軍廟而為之祠歲役守  
門者一戶以縣西公廡二廟賦為春秋奠享之資載諸祀典此祠  
寓此溶託先生字下易敢辭厥任爰捐資十餘金易其材木之朽  
者頷暨之罇且缺者若臆若戶若階若肥若龕若几咸與維新仍  
賃祠後胡宅數椽以居而虛棲神之所晨昏一揖外弗敢瀆也  
縣志

呂文簡公祠在北關明知縣郭達建祀明少保呂調陽

公姓呂諱調陽字和卿別號豫所起家桂林於嘉靖甲午中粵西  
鄉試登庚戌進士一甲第二人由史官歷司業祭酒宮詹侍郎大  
宗伯仕至光祿大夫柱國少傅兼太子太傅吏部尚書建極殿大  
學士累贈曾祖以下三代考妣俱一品祿廕子弟凡四人至萬曆  
戊寅上疏乞骸骨歸上賚予殊厚且遣御醫視疾行人護行踰歲  
抵家越庚辰元日薨於正寢訃聞上悼之輟朝議卹賜祭十一壇

志二十七

建置二壇廟

早

追贈太保諡文簡遺官行營起家儀章甚備朝廷恩禮大臣未有  
加於此者其子興周輩因建祠饗公而奉公生前累受誥敕及身  
後所膺贈官誥命御製祭文並勒豐碑用彰主上恩德光延俎豆  
澤沃泉壤公之為桂林重不啻九鼎大呂矣及楚興國之大治縣  
為公先世故土而五世以上祖家壘壘茅潭里中有司為禁樵牧  
過者無不改容下拜曰此相國里也且始封一品是日鑑祖非即  
由楚而戍粵者乎其澤未斬其國魂未且始封一品是日鑑祖非即  
五世反周之義由鑑祖及公才四世耳公嘗一過茅潭展墓敘族  
而與里人交甚歡已又治第州城親為其季子興武議婚開產業  
將遂以州為菟裘計甚深遠海內士所共聞也夫桂林特公家徙  
戎甌脫一借公重遠使全粵為名都而家廟邑社蒸嘗歲舉里人  
乃不望而告郭公之奈負公之靈何於是父老因諸士大夫謀於國  
倫國倫以願力贊之蓋守為公典也願身任之旋請於韓太守濟  
日盛與也願力贊之蓋守為公典也願身任之旋請於韓太守濟  
待更端而定役不待遲久而興事之所由舉也蓋有會焉令既相  
地於縣北里許後負西里山前臨車馬孔道於是捐俸營梓材誅茅  
測景建堂三棟而即以神櫝居其中乃布露臺於左方為守祠者  
門繚以垣堵塗以丹青夾植松桂諸木翼之門左方為守祠者  
而文買地若干畝附祠左右歲可得數金為春秋二祭資礱石以  
待碑者士大夫若向僉事日紅周光祿價徐舉人立朝與二三縣  
僚文學博士大夫若向僉事日紅周光祿價徐舉人立朝與二三縣  
成郭令於是筮期奉相國主登堂入櫝端冕而牢記之諸父老與  
行路之人觀者大悅莫不竊歎微公不能發山川巨靈微賢守令  
不能舉千百年曠典猗歟盛哉季子趨而拜之俯仰表裏槍焉而



深感退而告國倫曰先相國志欲反楚而先發興武於州乃竟阨  
於疾而奪於年恫矣猶幸茅潭有社郭門有祠庶幾先相國  
之靈兩在乎若曰神依於人則興武在此祭有先河而後海豈兩  
尊於海哉或源也或委也今則源楚而委粵亦人之心也而況兩  
在並禮乎國倫然其言季子遂具書報伯子時伯子自光祿少卿  
稍遷應天府府丞過家得書大喜因與二弟舉人興齊中書舍人  
興文遣使致幣屬國倫記其事碑之國倫憶嘗為公作狀論其世  
已詳茲不具述第述祠所由建為里人風夫里人竊竊焉願祠公  
謂公起鼎甲拜相位冠羣僚名聞中外望而禮之足以張楚如是  
而已乃公所以朝大節故在朝則朝重野則楚粵兼重里人不盡  
名位而以公所以朝大節故在朝則朝重野則楚粵兼重里人不盡  
知也考國朝以一甲第二人入相者自永樂苗文康公衷至公凡  
七人而位極一品且得諡則徐文靖公溥與公二人乃若歷官三  
十年守正而進見機而退始終純白上下無間言為一代完名則  
公一人而已嗟乎此殆有章相疏太傅所不及者難矣哉若其啟  
沃三聖師表天下儒紳定禮樂宏謀猷夾輔勤勞書在密室即士  
大夫有不盡知何論里人其為楚粵交重而交祀之公益足以享  
之也國倫楚人請以楚事喻昔者尹吉甫起房陵為周內史其後  
周與房陵並祀之孫叔敖以下里士為楚相後楚王封其子於寢  
邱奉敖祀而下里之祀卒不廢諸葛武侯其先瑯琊人後起襄陽  
伏龍山相先主保蜀所在有武侯祠瑯琊瑯琊之祀亦竝不廢則  
信乎神依人哉公蓋與三君子無古今而楚粵竝有子孫族類為  
依又三君子缺典也今公下世十三年祠成且二年而韓守與郭  
令亦以相繼遷秩去季子日過我以碑為請遂自忘其老病勉為

志二十七

建置二 壇廟

聖

之而系侑神歌三章入句一歌曰靈之來兮自玉京撫三素兮下  
太清駕蒼龍兮驂赤麟霞為佩兮霓為旌咫尺兮殊庭陟降兮明  
神拊鼓兮鳴笙俎豆兮苾芬二歌曰靈之來兮自桂林踰九疑兮  
渺洞庭來鄂渚兮思故林瞻東方兮樂續紛考蘭堂兮壁以蓀充  
椒桂兮縹杜蘅采三秀兮奏五英酌元鬯兮鳴珊珊手瓊芬兮視耽  
來兮自茅潭焱一舉兮明霞端森玉佩兮鳴珊珊手瓊芬兮視耽  
耽嚴息駕兮湖之干簇孔蓋兮侯青鸞  
雲鬢鬢兮魄來還享明禋兮旨且甘

景公祠在金隄大橋雍正初建祀知縣景崙

陳公祠在北關武廟右乾隆三十六年建祀知縣陳嵩齡

通山縣

社稷壇在北門外

神祇壇在縣南三里

先農壇在縣西

厲壇在縣西北

關帝廟在縣西半里

縣志

縣志

縣志

縣志

縣志

縣志

藉田每歲額徵穀五石八斗

嘉慶

明萬曆五年知縣宋承殷建

縣志

景韶記云



宋侯爲通山二年其所任事實殫夙夜念茲瘠土之民將以遂百  
嘉廣蕃育於是乎修職業舉廢墜使各有寧宇用昭明德乃祝融  
相繼爲災侯內自訟曰夫吾既已稱民父母矣乃令赤子不免於  
水火吾之辜也厥咎何繇伊胡爲厲將死者之無歸乎捐俸爲漏  
澤園掩骼焉未也抑淫祀無福九宮瑞慶不足以及受釐成民事其  
武安王乎夫祀國之大節也而節政之所成也夫吾不愛衣食於  
民不愛牲玉於神由欲靖民也苟民之能靖何恤乎爲民請命因  
卜廟白鶴山山去縣治一里廟有正殿一後殿一門三從屋三工  
始端月終臯月不攪民一財不費民一力悉資諸俸羨無勤百民  
以爲己名蓋食民之俸不能庇民是將移其奉以奉王求助其所  
不逮庶幾哉其猶足以自解也或曰王昔浮江漢未有以及茲邑  
無功而祀越哉臧孫之爲政也苟求利民何必祀王抑微福也則  
能捍大患非是聖王之制事也法施於民以勤事以定國能禦大患  
今時以禦災捍患捷若桴鼓環海內孰非王之所勞今當世而效之  
民請薦其馨香將祝史陳信無愧辭豈有所不能得於王免茲水  
火錫以嘉幣不腆敝邑如在字下與其禱祠異鬼不可致詰孰與  
王精忠正氣日監在茲是則典之大者吾又惡能卽藉王自解忘  
其所以夙夜爲民者以重愧王哉博士劉應斗周頤彭都典史劉  
振適觀成事諸生朱之楫夏禴以告祈示來者聽侯斯言無忘爲  
民便使恤恤於水火人將重得罪於王以負侯建廟之意猶爲功  
德乎侯要之神明而賢陝西鳳翔人戊子科鄉貢進士  
祀竝刻焉侯諱承殷字伯賢陝西鳳翔人戊子科鄉貢進士

志二十七

建置三 壇廟

望

禎十三年知縣馬負圖修

縣志

賀逢聖記云

義勇公關帝赫濯

山麓建祠祀焉嗣奉敕加帝號丙寅春金壇王君復增後殿被冕  
服易舊坊飭爲聳轟迄今春秋惇獻禮不懈厥靈昭庇茲土尤彰  
彰著矣而庭楹兩翼歲久頽蠹仁侯勵精撫此幾及四稔今始議  
天子辨色勤治督繭絲大明作競緩有權而崇報之思安遠也方今聖  
屬意所牧文法嚴謹故凡有子聞侯之治通仁恕爲輪忠厚爲御鄭  
僑之言曰惟君子議而弗任子聞侯之治通仁恕爲輪忠厚爲御鄭  
私家竭其涸澤一意蠲廉枝梧緩緩求紓日籌肉好而還供之分  
憂燎原不可嚮邇屬郡懷懍懍無所出計且簿暇門者謀數至是時  
震疊倡義帥其兵民越疆燬巢俘其渠魁兩地歌誦咸揚於隣昔  
日帝彈壓蜀鄂名振華夏茲以觀是邦之人繭絲助邪所以地不設險  
而安民不捨穡而寧絲斯以觀是邦之人繭絲助邪所以地不設險  
艱虞乎侯曾輟其溫良慈惠之德而爲嚴酷武勇乎其他訟獄衰  
息政廢具舉不容眉列會期奏績陳明懋簡豈非帝佑茲土不欲  
奪其慈母而孺亦搔載錫之篆以久渥澤乃得優暇與士民議新  
斯廟博通志民大和會前後殿楹左右牆垣悉新之夫以數十年  
鮮克舉者維新一旦闕他殊常則知神馮依將在其德矣其不汲汲  
事修者乃其念敬我眾不以美報昭矯誣之過使其愛人深入之  
思陟帝左右而帝之嘉祥不顯武之道相輔有自者以俎豆聖帝而  
俎豆仁侯甘棠之愛云乎哉仍武之思云乎哉峴山貞珉斯其志



不朽也夫清乾隆十六年知縣黃國楹重修有記不錄咸豐四年寇燬同治

聞知縣易光蕙潘滋榎羅登瀛相繼修復縣志

文昌廟在東門外明萬曆閒知縣邱獻可建後圯清康熙元年知

縣任鍾麟重建譚篆有記不錄道光閒知縣楊兆杏遷建學宮大成殿左

縣志

城隍廟在縣治東明宣德閒知縣劉剛宏治閒知縣閔元嘉靖閒

知縣萬全先後修建清康熙元年知縣任鍾麟重修咸豐四年燬

同治閒知縣羅登瀛胡昌銘修復縣志

東嶽廟在縣西縣志

龍神祠在東門外咸豐四年燬縣志

劉猛將軍廟在古淵洞觀縣志

神應廟在九宮山祀龍神一統志縣志

志二十七

建置三 壇廟

聖

三閭大夫祠在通津橋南嘉慶志元延祐五年建明嘉靖閒邑紳朱

廷立修後圯清康熙二年知縣任鍾麟重建咸豐四年燬旋修復

縣志

新息侯祠在縣西祀漢伏波將軍馬援康熙二年知縣任鍾麟建

咸豐四年燬九年邑人重修縣志

精忠祠在縣西多寶寺右祀岳武穆同治五年邑人建縣志

謝公祠在學宮北祀宋謝枋得嘉慶志武昌府舊志

忠烈祠在縣治東祀邑人江浦知縣許立達縣志

昭忠祠在縣西咸豐十年建祀殉難知縣陳景雍及諸士民弁勇

縣志